



本朝五言近體辨香集卷十三

金匱許英海如編註

男墩



動物

鳳鳴朝陽

曹鏊

唐韓瑗褚遂良死內外諱言者二十年御史李善感始上疏極諫時人謂之朝陽鳴鳳

曙色瞳瞳起。嗷嗷鳳噦遙。清音和早漏。芳靄麗晴朝。璀璨依
堯日。宮商叶舜韶。一鳴昭六德。兩珥煥重霄。羣仰雲儀貴。如
聆玉律調。文披千仞彩。風奏九成簫。展翼同葵向。和聲陋肖
翹。金鳥相掩映。瑞獻聖明朝。

六德

桓靈寶鳳賦備六德以成輝奮藻翰之郁烈

兩珥

漢書五行志光初四年二月已巳黃氣抱日黃白珥在其旁

雲儀

陶詩靈鳳撫雲

儀肖翹

莊子儒與之蟲肖翹之物莫不失性

鶴處雞羣

金姓

晉書嵇紹傳紹始入雒或謂王戎曰昨於翹人中始見嵇紹昂昂如野鶴在雞羣

清標看鶴立。偉望出雞羣。久識青田重。聊隨赤幘紛。談經從解語。警露欲凌雲。正遣棲常近。寧貪俸可分。九臯傳遠韻。五德記前聞。仙驥真無匹。家禽詎足云。忘形同飲啄。俯視厭塵氛。自是鸞凰侶。乘軒佇策勳。

青田

青田產鶴見前

解語

幽真錄晉兖州刺史宋處宗嘗買一長鳴雞置窗間雞作人語與處宗談論極有言致處宗因此言功大進

警露

韓詩外傳田饒謂魯哀公曰夫雞頭戴冠者支草上點滴有聲即高鳴相警

五德

韓詩外傳田饒謂魯哀公曰夫雞頭戴冠者支草上點滴有聲即高鳴相警也足傳距者武也敵在前敢聞者勇也見食相

呼者仁也守夜不失時者信也雞有五德也

仙驥

相鶴經鶴者羽族之宗長仙人之驥驥

鸞凰侶

相鶴經鶴千六百年飲而不食與鸞凰同群

乘軒

左傳狄伐衛衛懿公好鶴鶴有乘軒者將戰國人皆曰使鶴鶴實有祿位

鶴立雞羣

褚矯

鶴有冲霄志。何因逐衆雞。微翹丹頂上。全壓翠冠低。立已超長距。鳴猶伴曉啼。堦除曾共啄。峙桀豈同棲。高樹閒驚夢。寥天遠待攜。養雛猶俛仰。鍛翮亦雲泥。雌伏知難匹。雄飛孰與齊。座中嵇紹在。若個望端倪。

鍛翮

顏延年五君詠焉翮有時鍛龍性誰能馴

雌伏雄飛

後漢書趙興傳兄子温初為京兆郡丞歎曰大丈夫當雄飛安能雌伏遂棄官去

好鳥鳴春

孫成龍

春晴二三月。樹底鳥爭鳴。日暖音逾滑。風和韻更清。呢喃傳

紫乙滴溜。轉倉庚。度柳疑歌轉。穿花似調更。濃香薰巧舌。繁
蔭掩幽情。池館詩催酒。園林鳳引笙。旅愁驅欲盡。鄉夢聽還
驚。更有居山者。殷勤自喚名。

鳳笙

神仙傳王子喬好吹笙作鳳凰鳴

自喚名

宋之問詩山鳥自呼名

鶯出谷

荆如棠

春融幽谷暖。鶯出欲遷喬。得氣辭寒澗。求聲渡野橋。好音流
韻遠。翠羽逐花飄。下上穿桃陌。翩翾動柳條。出山情不減。擇
地智偏饒。野性耽晴樹。遙心向碧霄。差同鳩拂羽。敢擬鳳呈
翹。上苑春花滿。將翔路匪遙。

鳳呈翹

李郢詩金鳳對翹雙翡翠

鶯出谷

許英

幽谷春歸後。春光悅鳥情。顏頰先紫乙。熠燿出倉庚。一點衝
烟起。千聲隔葉鳴。人間砭俗耳。天上錫嘉名。帶雨穿花塢。乘
風到鳳城。交交曾止棘。嘒嘒欲含櫻。繞免泥塗辱。旋看羽翼
成。瓊林高宴處。得意咏遷鶯。

砭俗耳

世說戴顓曰往聽黃鸝聲此俗耳誠砭詩腸鼓吹

錫嘉名

明皇呼黃鸝為金衣公子見後

含櫻

庾信詩樹宿含櫻鳥

泥塗羽翼

本草集解冬月則鶯藏蟄入田塘中以泥自裹如卵荆州志破之則無復羽毛春始坐羽破止而出

遷鶯

劉禹錫嘉話錄

禁林聞曉鶯

陳惠華

長虹駕早晴。時鳥匝歡聲。未許雙柑聽。先從五柞鳴。借枝巢

裙。只。暫。留。明。年。春。社。日。舊。主。更。相。投。

烏衣

見燕睇詩注

關盼莫愁

奔藝集唐張建封妾關盼盼誓節燕子樓今在徐州廨莫愁即盧家少婦見前燕睇詩

阿母

周注

燕歸海上故以

漢塞

周注漢班超虎頭燕頰萬里封侯其妹上書有願生入玉門關語

仙裙

周注漢成帝后趙飛燕乘舟風起后持之他日宮妹襲裙為縞號留仙裙

揚袖曰仙乎仙乎帝令侍郎馮無方

散館

欽命賦得鴻漸于陸

金 牲

易漸卦上九鴻漸于陸其羽可用為儀吉本義陸當作遼謂雲路也

咫尺天衢接。高鴻振羽多。乍看遵陸起。旋見拂雲過。俯聽關門柝。遙臨楚水波。聯行元有序。應節本含和。不覺層霄迴。還憑健翮摩。長征依日月。冲舉謝烟蘿。矯矯從賓列。翩翩近禮羅。未須鳴鶴和。鳳翽擬卷阿。

鴻漸于陸

王 昶

素有隨陽願。欣逢就日時。置身親斗極。流影照江湄。飲啄何曾計。扶搖有所思。一行書宛轉。數點陣參差。鶴共鳴臯遠。鶯慚出谷遲。風山占卦象。霄漢仰光儀。聖世棲鸞日。熙朝紀鳳期。圖南知可遂。振羽上天逵。

斗極

天文考北

一行書

蘇軾詩雁字

陣參差

王勃滕王閣

風山

漸卦艮

鴻雁來賓

阮芝生

禮記月令季秋之月鴻雁來賓注以仲秋先至者為主季秋後至者為賓

九秋觀物候。千仞數飛鴻。引隊音先遠。隨陽路自通。後先辭北漠。迎送任西風。涼露初凝白。寒林欲染紅。啣蘆看旅至。遵

渚儼來同。故侶求還切。他鄉望未窮。回翔原肅肅。信宿豈匆
匆。得意成行列。揮毫寫碧空。

任風淮南子雁從風而飛以愛氣力露白周書白露之日鴻雁來啣蘆淮南子雁啣蘆而翔以避弋繳行列儀禮以雁為贄取其

有行列

目送飛鴻

平泰

嵇康詩目送歸鴻手揮五絃

霄際遙鴻度。朱絃韻未希。悠然一翹首。不覺極遐晞。秋色空
無碍。孤雲迴共飛。東西逝安適。烟水渺何依。動搯徒言落。援
弓詎有機。送歸人漸遠。認影乙元非。菰米那難覓。音書莫歎
稀。因渠明遠目。天地正晴暉。

遐晞韓詩倉黃志遐晞孤雲錢起詩孤雲帶雁來動搯周注琴調有平沙落雁乙元非周注鴻飛天上楚人以為鴻越

人以菰米為乙菰米杜牧雁詩水多菰米岸萐苔音書漢書蘇武傳天子射上林得雁足帛書遠目周注韓詩遠目增雙明

飛鴻響遠音

金維岱

謝靈運登池上樓詩

涼風吹迴野。天外落鴻音。順候辭寒塞。飄空度碧岑。淒清初
入耳。嘹唳忽驚心。細雨蘆花岸。深秋月夜砧。依稀如有和。斷
續杳難尋。韻拂微雲歛。聲隨遠角沉。應同鸞翮羽。好與鶴鳴
陰。靜裏饒餘思。憑窗理素琴。

飛鴻響遠音

王如椿

飛鴻過遠渚。遠路漸駸駸。試展凌風翮。遙傳警露音。碧雲秋

色迴黃葉暮情深。去日翔青海來時托上林。蘆吹天外管沙。落月邊琴湘浦人延佇。蕭關夢杳尋稻梁謀異昔鷓鷯序從今何處題名塔長空萬里心。

蕭關 括地志龍山關在

原州即古蕭關 稻梁謀 杜甫詩君看隨陽雁各有稻梁謀

題名塔 古今詩話唐韋肇及第偶於慈

恩寺雁塔題名後人效之遂成故事

飛鴻響遠音

楊兆麟

萬里兼秋發隨陽度碧岑。迎風聲若斷。叫月響疑沉。影落衡陽遠。書迴湘浦深。篳調排促柱。燈暗間疎碁。避弋遙相引。呼羣杳莫尋。長鳴臨玉宇。流韻入瑤琴。欲振冲霄翮。常懸就日心。白雲迷不見。江上有餘音。

促柱 李商隱詩十三

江涵秋影雁初飛 杜牧詩

金 姓

爽氣三秋迴。清川萬象涵。迢迢看雁影。一一度江潭。霜信傳應早。天衢性所諳。乍尋雲水樂。寧止稻梁貪。振羽添蕭瑟。凌波映蔚藍。帛書空外想。篳柱鏡中探。目送依蘆渚。峰迴隱翠嵐。憑衿輸小杜。高詠與方酣。

蔚藍 杜甫詩上

雁度池塘月

黃世德

周賀詩

皓魄冷銀塘。寥天雁正翔。嗷嗷驚鶴夢。點點帶蟾光。霜重搏
雙翮。星疎綴一行。跡隨斜漢遠。影入素波涼。月滿弓何駭。池
空網孰張。傳書飛度處。烟樹轉蒼蒼。

斜漢謝莊月賦于時斜漢左界

反舌無聲

桑繩筮

權月令仲夏之月反舌無聲注反舌百舌鳥。疏春始鳴五月稍止。汲冢周書時訓解芒種之日螳螂生又五日鳴始鳴又五日反舌無聲反舌有聲佞人在側

反舌歸何處。時清早去讒。休矜兼眾語。應悔失三緘。豈果知
箴戒。何曾凜史監。林鶯猶現睨。海燕正呢喃。獨息言簧巧。渾
同石闕含。鄭聲占遠放。那得亂英咸。

去讒杜甫百舌詩過時如發口君側有讒人

兼眾語杜甫百舌詩知音兼眾語

石闕周注古語石闕生口中含碑不得語碑諧悲字

荷風驚浴鳥

汪維

庾信山池詩荷風驚浴鳥橋影聚行魚

薰風浮菡萏。浴鳥若關情。浪颭身偏捷。枝搖影易驚。流香憐
粉墜。翻葉駭珠傾。亂感花還動。爭飛水不平。迴塘喧日晚。隔
浦掠烟輕。露下幽禽散。清芬滿月明。

翡翠戲蘭苔

陳致新

郭璞遊仙詩翡翠戲蘭苔容色更相鮮注蘭苔蘭秀也

翠鷗依仙岫。嬉游汎碧苔。幽叢芳競發。珍羽綠爭翹。並色應
成妬。無心却似招。飛來何處覓。流去不知遙。旖旎光交映。葳
蕤影共搖。騷人綉欲佩。神女拾相邀。濯濯精英擅。翩翩妙采

饒文章思報國更擬掣鯨潮

神女拾

曹植洛神賦或拾翠羽

流去

王安石詩草長流翡翠

掣鯨

杜甫詩或看翡翠蘭若上未掣鯨魚碧海中

羣鳥養羞

金牲

月令仲秋之月注羞謂所食也

征雁已驚秋旋看鳥養羞祇愁霜雪積早作稻梁謀老物供禽饗餘糧學鼠偷聚依空廩噪散向野田求山果爭枝啖飛蟲擇肉收居然富珍膳寧止備乾餼藏穩同熊穴添盈似鶴籌御冬須蓄菜人事擬綢繆

熊穴

陸機詩疏熊冬多入穴而蟄

山雞舞鏡

金牲

異苑山雞愛其毛羽映水則舞魏武時南方獻之帝欲其鳴舞而無由公子蒼舒令置大鏡其前雞鑑形而舞不知止

寶鏡常開匣珍禽本在山張羅雲翮掩試舞玉臺嫻緩颺隨銀帶低垂學翠鬟菱花光動盪翟羽勢彎環月滿驚鴻度雲移綵扇還縑文縈白壁錦匹漾清灣顧影思雙舉來儀見一斑日烏方駐景屏雀總慙顏

玉臺

世說温嶠下玉鏡臺娶姑女

銀帶

魏武雜物疏宮中有純銀帶鏡臺一

雲移

杜甫詩雲移雉尾開宮扇

屏雀

杜甫詩屏開金

雀孔

霧鳥

李光地

不是樹間翮相將雲際看梢長垂亂柳末茂散幽蘭薄霧連成殼輕烟叠作紈走飛何所藉飲啄更無端憐足夢應惜潛

文豹共寒中。膨羞豕腹側。睨陋雞冠奇。羽傳來乍。佳賓聚觀團。何如選舉者。縹緲馭風搏。

憐足夔

莊子秋水篇夔憐蛇謂蛇曰吾以一足踰蹕而行子無如矣今子之使眾足獨奈何蛇曰不然子不見夫唾者乎噴則大者如珠小者如霧雜而下者不可勝數也說文夔神也如龍

一足博物志百足一名馬蛇

潛文豹

列女傳南山有元豹隱霧而七日不食以澤其衣毛成其文采

中膨

音彭

韓愈石鼎聯句

霜隼下晴臯

鄭虎文

馱彼隼初下。晴臯已降霜。江干衝野色。木末點秋光。掠草過重嶺。捎雲辨八荒。一絲疑激矢。百中慣穿楊。此日機能準。平時器久藏。丰標看太華。功績紀司常。雪壓飛狐塞。花圍射雉場。何如風日裏。來伴羽林槍。

激矢

鵠冠子水激則悍矢激則遠

穿楊

白帖貫蠶心于三年穿楊葉于百步

此日二句

列子鷹之搏噬不能無失獨隼有準

必中易繫辭隼者禽也弓矢者器也射之者人也君子藏器于身待時而動

太華

杜甫詩華岳峰尖見秋竿

司常

周禮司常掌九旗之名物鳥隼為旗

飛狐塞

漢書注飛狐在代郡西南塞名

射雉場

齊書東昏侯紀置射雉場二百九十六處翳中帷帳及步障皆恰以綠紅錦金銀鏤弩牙瑇瑁

帖羽林槍

杜牧大雨行萬里橫互羽林槍

蛟龍得雲雨

汪存寬

三國史蛟龍得雲雨終非池中物也

蛟龍將變化。天地亦氤氲。海氣噓為雨。山嵐鬱作雲。一聲雷乍奮。千里浪成紋。利濟寰中徧。功施天下聞。沼池非久伏。達路自為羣。喜見田疇足。驚看爪鬣分。鳴號觀怪物。吞吐煥奇文。暫得憑依力。應歸江海濱。

鯤化為鵬

鄭虎文

莊子逍遙遊北冥有魚其名為鯤鯤之大不知其幾千里也化而為鳥其名為鵬鵬之大不知其幾千里也怒而飛其翼若垂天之雲是鳥也海運則將徙於南冥南冥者天池也鵬之徙於南冥也水擊三千里搏扶搖而上者九萬里去以六月息者也

溟漲鯤初化。鵬飛隘八區。三千從北徙。九萬奮南圖。橫海騰身過。垂天展翼殊。摩霄辭澤國。跋浪接雲衢。不作魚依藻。寧同鷄搶榆。一抔蓋井處。六月破墟拘。毛羽真相假。風雷會與俱。龍門閭闔近。振翮趣于干。

南圖

莊子逍遙遊背負青天而莫之天闕者而後乃今將圖南蜩與鷓鴣笑之曰我決起而飛搶榆枋時則不至而控於地而已矣又斥鷃笑之曰彼且奚適也

墟拘

莊子秋水篇井盡不可以語於海者拘於墟也

魚登龍門

金銜

三秦記龍門在河東每暮春有黃黑鯉魚爭求得上者化為龍否則暴顯點額而退

神魚通變化。激水試飛騰。雲路輕千仞。龍門佇一登。懸流真絕險。奮鬣頓超升。應笑驪方睡。寧同蛟可曾。暴鯁拚不免。點額驗何曾。禹鑿津梁闕。雷燒氣焰增。泥塗羞蜃蛤。溟渤擬鯤鵬。士仰天衢近。無煩慕李膺。

雷燒

聞見鯉魚躍龍門化為龍時必雷燒其尾 李膺 李膺傳膺以聲名自高士有被其容接者名為登龍門

河鯉登龍門

吳家鳳

斷山開絕險。破浪駭先登。水潤從魚躍。門高聽鯉升。振鱗辭混濁。鼓鬣向清激。始信神功遠。還看物力能。躩踞頭欲動。躡略尾難徵。貝闕無須羨。鼉梁未足憑。乍陞還振刺。得入遽飛

騰業遂攀龍願。河濱漫結罾。

貝闕

前見鼉梁

江淹恨賦方架

躩踞

音遠尼

王延壽曾靈光殿賦

蚪龍騰蹙以蛇

躩踞若動而躩踞注

頰搖頭也躩踞動貌

蝮略

揚雄甘泉賦

駉蒼螭兮六素

撥刺

杜甫詩

船尾

攀龍

漢書叙傳

攀龍

附鳳並乘天衢

爵入大水為蛤

潘望齡

禮記月令
季秋之月

飛潛原異性。變化每乘時。不似鷹鳩質。還先雉蜃期。咸陰方
浸長。片羽忽將離。冉冉穿波沒。冥冥逐浪移。有形依淺瀨。無
夢繞高枝。黃菊疎籬發。丹楓遠岸披。且垂漁父網。莫唱野田
詞。掛席滄江上。盤餐味最宜。

鷹鳩

仲春鷹化為鳩

雉蜃

孟冬雉入大水為蜃

野田詞

古樂府有野田黃雀行

魚戲水知春

張熙純

王勃詩
鳥飛村覺
曙魚戲水知春

二月銀塘綠。晴波漾麴塵。輕鯈何發發。淺渚自粼粼。磯畔時
浮鬣。槎頭每躍鱗。悠然濠上樂。宛爾鏡中春。乍蹴靴紋細。徐
翻縠影勻。似梭穿翠蔭。如錦映青蘋。游泳天機活。妍和物候
新。何當乘畫舸。幽賞在烟津。

麴塵

白居易詩晴沙金屑色春水麴塵波

槎頭

杜甫詩徐州禿尾不足道漢陰槎頭遠遁逃

濠上樂

莊子秋水篇莊子與惠子遊於

濠梁之上
莊子曰儵魚出遊從容是魚樂也

縠影

陸游詩溪流作縠紋

似梭

魚一名水梭

臨淵羨魚

秦大士

漢書董仲舒傳
古人有言曰臨淵羨魚不如退而結網

水暖看魚戲。澄泓靜可臨。一溪紫綠藻。兩岸映青岑。作隊吹
花片。忘機趁柳陰。泳游多樂趣。潑刺聽清音。細雨飄時出。微
風動處沉。不知憑檻久。乍喜引鈎深。海上誇神技。濠梁有會
心。恩波寬太液。縱壑任追尋。

細雨杜甫詩細雨魚兒出

海上神技

莊子外物篇任公子為大鈎巨緇五十犗以為餌躡乎會稽投竿東海期年不得魚已而大魚食之任公

子得若魚離而腊之自淞河以東蒼梧已北莫不厭若魚者

縱壑

王褒聖主得賢臣頌沛乎若巨魚縱大壑

織鱗如不隔

諸重光

游魚灑灑處。淨絕點塵沾。俯映潭千尺。如窺鏡一奩。唼花吹
淅淅。鼓鬣露纖纖。形影時相照。浮沉盡可覘。只言空際動。不
道水中潛。靈沼游偏適。濠梁興屢淹。喜無微翳隔。寧以至清

嫌太液冰開日。

恩波暖正添。

灑灑

潘岳西征賦灑灑驚波注出沒之貌

淅淅

音審水動貌

至清

家語水至清則無魚

桃花流水鱖魚肥

金 牲

張志和詩

釣渚逢春好。桃花水到初。浮香通別浦。乘漲聚名魚。丙穴腴
堪擬。松江美不如。但令垂獨繭。何羨引盈車。樂向餐英見。機
從跋浪舒。忘筌應未得。吞餌更無虛。漁隱傳高唱。仙源近客
居。幾時同泛宅。茗雪往來徐。

丙穴

周地圖記順政郡丙穴以其口向丙故名每春三月上旬後有魚長八九寸或一二尺聯綿從穴出躍相傳名為嘉魚

松江

汪廣洋東吳棹歌阿誰坐

理青絲網遮得松江巨口鱸

獨繭

前有獨繭綸詩

泛宅

唐書張志和傳志和居江湖自稱烟波釣叟顏真卿為湖州刺史以舟蔽漏請更之志和曰願

為浮家泛宅
往來蒼雪間

得魚忘筌

金 姓

莊子外物篇筌者所以在魚得魚而忘筌蹄者所以在兔得兔而忘蹄言者所以在意得意而忘言

臨淵多健羨。編竹每輕齋。側聽鳴榔集。欣看貫柳齊。潛鱗驚水落。寒雷映星低。維昔筌簪帶。于今鼎俎攜。未須愁發筍。自可任沉谿。結網謀何早。投綸智不迷。名言超意象。懸解見端倪。倪比類從漁具。應忘在兔蹄。

鳴榔

潘岳西征賦鳴榔厲響注以長木叩舷為聲驚魚令人網也

貫柳

石鼓文其魚維何維鯉維鯉何以貫之惟楊與柳

筌簪

音靈

星大唐新語漁具總曰筌簪元結傳自釋語能帶筌簪全獨而保生

蟬始鳴

金 姓

禮記月令仲夏之月律中蕤賓蟬生鵙始鳴又蟬始鳴注蟬陰類

蕤賓初協律。陰氣夏蟲占。密樹駢柯靜。新蟬逸韻添。凌風矜羽化。飲露喜恩沾。乍轉縑車澀。單抽繭緒纖。長吟應憚暑。美蔭乃忘炎。鷓鴣推先唱。螳螂慎舊嫌。俯看餘甲蛻。高舉任竿黏。晚噪還依柳。傳聲候玉蟾。

羽化

駱賓王在獄詠蟬詩序蛻其皮也有仙都羽化之靈姿

飲露

溫嶠賦饑吸晨風渴飲朝露

美蔭

莊子蟬得美蔭而忘其身

螳螂

易通繫卦螳螂捕蟬之蟲乘寒殺物

竿黏

曹植蟬賦怪柔竿之冉冉兮運微粘而我纏

蟬曳殘聲過別枝和韻

金 姓

方干
詩

逸響驚蟬度。樛枝愛屈蟠。投林心乍急。翳葉韻方殘。但覺幽

嘶苦。寧知美蔭安。絲抽疑轉軸。水咽想臨灘。妙手竿頭避機心。曲裏彈露寒。催絡緯。風細嫋琅玕。促節時相窘。微吟強自寬。冲霄同羽化。託興未應闌。

機心

華嶠後漢書蔡邕鄰人以酒食召比往客有彈琴者邕潛聽之曰噫以樂召我而有殺心何也遂反主人追問其故具以告彈琴者曰我向鼓絃見螳螂方向鳴蟬一前一却吾心惟恐螳螂之失蟬也此豈為殺心而形于聲者乎邕嘆曰此足以當之

絡緯

古今注莎雞一名絡緯以其聲如紡績織緯也

蟬噪林逾靜

蘇贊

夏木千章合。新蟬振好音。五更清夢破。一望翠烟深。暗度涼風裊。低含宿雨沉。殘聲移遠樹。濃靄散平林。飲露輕雙羽。迎秋動曉吟。重陰圍碧嶂。靜意會瑤琴。江岸遲紅葉。柴門淡素襟。高枝如許托。求飽未營心。

秋蟬鳴樹間

王昶

井梧初葉落。遠響送秋蟬。聽去疎還密。吹來斷復連。幾聲銷永晝。十里亂輕烟。搖曳圓槐裏。淒清弱柳邊。餘音流曲院。逸韻入遙天。低咽金飈爽。高餐玉露鮮。吟風三伏後。嘶月五更前。寂寞懷人意。寔虛伴獨眠。

嘶月

許棠詩嘶月思偏清

腐草為螢

王錫

禮記月令季夏之月腐草為螢

流螢綠草化。朽腐幻神奇。埋沒應多日。飛揚忽有時。春芳消露洗。夜火受風吹。叢亂雨三徑。影迷星滿池。襯花眠處早。開

卷照來遲。素抱光明質。從前若個知。

腐草為螢

秦大士

閑庭當夏夜。草際出流螢。乍見辭幽砌。旋看過畫屏。坐衣猶
暈碧。照字尚含青。歛晦盈盈月。分輝落落星。飛時紛歷亂。聚
處更晶熒。河畔無陳跡。風前露偃形。不欺光自鑒。應候意偏
惺。神化真難測。微生亦孕靈。

河畔

古詩青青河畔草

不欺

駱賓王螢火賦類君子之有道入暗室而不欺

腐草為螢

俞翔伊

寸草無知物。生機不暫停。芳時常趁蝶。腐後却為螢。猶記菁
蔥日。旋看熠燿形。池塘春思寂。庭院夜光熒。繞砌空尋綠。流

輝尚帶青。幾番承瑞露。數點映疎星。莫訝推遷幻。應歸造化
靈。縹囊資朗照。逸韻在窓櫺。

池塘

謝靈運詩池塘生春草

金螢照晚涼

盧明楷

小徑迎涼坐。宵行見晚螢。乍看飛玉砌。旋訝射銀屏。不為秋
風滅。寧隨夜雨零。聚花疑野燒。過苑似流星。釵畔明珠墜。藜
頭神火熒。點衣欺月白。拂案助燈青。臨沼驚雙影。翻書識異
形。莫言徒自照。曾傍聖賢經。

疎簾巧入坐人衣

費宏勳

杜甫詩

疎螢林際墮。靜夜入簾飛。似火初移草。如星忽點衣。水晶非
礙影。珠箔乍流輝。翠袖粘來細。輕裾拂處微。迎風愁不定。帶
月照仍稀。散彩縈涼簟。餘光暎薄幃。滄江誰結伴。丹鳥卻忘
機。有客含情坐。相棲久未歸。

水晶

宋之問詩雲母帳前初
汎濫水晶簾外轉逶迤

珠箔

漢武故事武帝起神室以
白珠織為箔玳瑁麗之

丹鳥

天戴禮夏
小正八月

丹鳥蓋白鳥注丹
鳥謂丹良即螢也

蟻穿九曲珠

金 姓

小說有以九曲寶珠穿之不得問之
孔子孔子教以塗脂于線使蟻通焉

宛轉珠胎映。盤旋螳力酣。一絲看漸引。九曲任窮探。繞堙元
無礙。銜脂更可貪。定知穿穴巧。為有性情耽。似返渾河棹。寧

停峻坂。驟開疆。走蠻觸。關險記魚蠶。役智人皆屈。通微聖所
參尋源。思鑿竅。妙手竟誰諳。

繞堙

碑雅其場謂之坻亦謂之堙从至
以蟻之微而能為堙用其至也

渾河

河圖河
水九曲

峻坂

漢書王尊傳王陽
為益州刺史行部

至邛邛九折坂嘆曰奉先人遺體奈何數乘此險以病去及
尊為刺史至其坂叱馭曰驅之王陽為孝子王尊為忠臣
於蝸之右角相
與爭地而戰

魚蠶

揚雄蜀王本紀蜀王之先名
蠶叢拍獲魚鳧蒲澤開明

蠻觸

莊子有蠻氏國於
蝸之左角觸氏國

蟻穿九曲珠

吳綬詔

豈應河精出。曾徵物巧殊。探來從赤水。貫去藉元駒。愴恍牽
絲細。微茫引線紆。暗尋圓隙入。深覺寶光俱。掌上羊腸轉。胎
中桂魄孤。慕羶貪可使。穴漏智相須。玉寶斜穿似。金鍼解度
無。如神歸。睿照方寸擅。驪珠。

赤水

莊子黃帝遊赤水之北遺其元珠使象罔求之乃得

元駒

廣志有飛蟻有木蟻古曰元駒者也

羊腸

坂道在太行山曲如羊腸

魄吳都賦蚌蛤珠胎與月虧全

慕羶

莊子羊肉不慕蟻蟻慕羊肉羶也

金鍼

元好問詩鴛鴦繡出從君看不把金鍼度與人

蜻蜓立釣絲

鄭虎文

杜甫詩

野性憑漁釣。蜻蜓意自閑。適來何遽集。因倦若知還。香餌寧相戀。遊絲宛欲攀。似嫌雙翼重。未覺一枝艱。小立成幽趣。依人爲好顏。底須飛款款。應亦愛潺潺。上竹憐魚拙。穿花笑蝶頑。化同馴雉冷。聖德徧瀛寰。

蜂懶得花疎

顧惇量

幽事愛吾廬。落英蜂與俱。飛飛春盡後。采采午晴餘。崖蜜釀

將滿。林花摘漸虛。翅纖嫌露重。腰細愛風疎。葉底流聲疾。香中過影徐。蜻蜓閒款款。蛺蝶共蘧蘧。小立當青幔。鳴衙散畫除。山中餐菊客。樂意漫相於。

腰細

李商隱蜂詩宓妃腰細纔勝露趙后身輕欲倚風

香中

耿漳詩帶聲來蓋上連影在香中

款款

杜甫詩點水蜻蜓款款飛

蘧莊子莊周夢為胡蝶俄而覺蘧然周也

蜂重抱香歸

金維岱

溫庭筠詩

辛苦尋花徑。含情鎮日忙。來猶隨蝶舞。歸不逐風狂。緘口緣禽艷。弓腰爲竊香。幾番增體重。一往覓途長。款款經塵陌。深深過粉牆。游絲空裊娜。落絮自飄揚。肯蓄勞寧恤。和甘味盡

嘗待將成蜜後舉世沐餘芳

蟪蛄巢蚊虻

金牲

晏子景公問於晏子曰天下有極細乎對曰東海有虫名曰蟪蛄巢於蚊虻飛乳去來而蚊不覺

欲識蟪蛄宅居然託聚蚊微茫綠睫隱辛苦構巢勤遠遜蠅頭利聊從豹脚分負山元有力轉瞬自成羣祇厭驚雷迫還貪吮血聞蝨心嘗集矢蝸角或行軍味享蟣肝美涼迎蝸翼紛小言殊可賦推類重云云

聚蚊 漢書中山靖王傳聚蚊成雷

豹脚 埤雅蚊足有文彩吳興號豹脚

負山 莊子猶涉海塗河使蚊負山也

蝨心 列子紀昌學射

于飛衛飛衛曰學視而後可昌以整懸蝨于牖南面望之三年之後如車輪焉乃以燕角之弧朔蓬之箛射之貫蝨之心而懸不絕

蝸角 見蟣穿九曲珠蜜觸注

蟣肝

宋玉小言賦唐勒曰館於蠅鬚宴於毫端烹氣脛切蟣肝

蝸翼 說文蚊秦晉謂之蝸

天驥呈才

金牲

顏延之赭白馬賦漢道亨而天驥呈才

漢道方亨日詩歌天馬來北風騰遠思西極選殊才舊識房星降新驅月駟回箭雲光滅沒飛電影徘徊虎脊誰為友龍文自有媒千羣驚電散萬里望塵開首着諸恩久流沙頓轡纒聖朝歸德至應是鼓車催

天馬歌 漢書天馬歌曰天馬來從西極

北風 古詩胡馬依北風越鳥巢南枝

房星 渾天賦房為駟馬

月駟 顏延之赭白馬

賦稟靈月駟注春秋考異記地生月精為馬

箭雲

漢書禮樂志天馬歌曰箭浮雲陸上馳箭同躡

虎脊龍文

杜甫詩龍文虎脊皆君馬

歌虎脊兩化若鬼冥書西域傳

電散

赭白馬賦經元蹄而電散

鼓車

後漢書循吏傳建武十三年異國有獻名馬者日行

千里詔以馬駕鼓車

天閑良驥

王李勳

千里追風足。黃金價問燕。名標騏驎院。種出渥洼川。雄傑心常壯。清高氣自全。服馴惟所納。驍捷孰爭先。珍重施珠勒。徘徊惜錦韉。雲隨夏后馭。電激祖生鞭。駟駘賡周雅。臧才頌駟篇。何如太乙貺。房宿降從天。

追風

杜甫詩地用莫如馬無良復誰記此日千里鳴追風可君意

騏驎院

周注宋御馬分騏驎左右二院

渥洼川

漢書元鼎四年

馬生渥洼水中

雄傑

杜甫天育騏驎歌是何意態雄且傑

清高

杜甫觀曹將軍畫馬圖引顧視清高氣深穩

珠勒

王維塞下

曲玉弋角

錦韉

關元遺事長安俠少每至春時各置矮馬飾以錦韉金絡並于花樹引珠勒馬錦韉下往來晉書王濟嘗乘一馬著連乾鞞泥前有水終不肯渡濟云此必是惜障泥使人解去便渡

夏后

李商隱詩雲隨夏后雙龍尾風逐周王八駿蹄

祖生鞭

見前

太乙貺

漢樂府大乙貺天馬

下

上親射金錢豹恭紀

蔣廷錫

朔塞雲深候。南山霧隱年。韜文藏白草。煥采發寒煙。爪利騰張猛。身輕跳躍便。志貪全鹿飽。路值六龍旋。木葉干林蠹。塵飛一騎先。出房金鏃疾。彎月寶弓圓。鷲性思拏肉。天威易縛綿。奔逃已股慄。僵仆見膈穿。置負明駝背。攜歸行殿前。驚看人聚堵。環立衆摩肩。鬚勁垂霜潔。毫斑帶血鮮。舊曾聞艾葉。今始識金錢。雪點胸間色。風腥口上涎。真堪雄并虎。寧止倍於豨。孔武羔裘句。長楊射獵篇。幸隨豹尾後。窺管頌秋田。

霧隱

見前霧鳥詩注

明駝

太真外傳妃私發明駝使注明駝者眼下有毛夜明日行五百里

艾葉金錢

本草集解文如錢者

金精之剛焉 隅目脩毫 唐牛上士師子賦方頤威額隅目高 藏鋒 虞世南師子賦鉤爪鋸牙藏鋒蓄銳

漢代 後漢書章帝紀月氏國遣使獻符拔 師子文和帝紀委息國獻師子符拔 姬王 穆天子傳後貌日走五百里 玉津 園名見宋史太祖紀

林邑戰 沈約宋書宗慤隨檀和之伐林邑林邑王范楊邁傾國來逆以具裝被象前後無際慤以為外國有師子威伏百獸乃製其形與象相遇象果驚奔

賊眾因 教坊聲 淵鑑類函唐太常 西鷄東鰈 爾雅南方有比翼鳥不比不飛其名謂之鷄鷄拾遺記周成王

此潰亂 時獻此鳥蓋西海南山皆有之爾雅東方有比目魚不比不行其名謂之鰈

本朝五言近體辨香集卷十三

本朝五言近體辨香集卷十四

金匱許英海如編註

男璫元仁校

植物上

迎歲早梅新

陳兆崙

唐太宗守歲詩送寒餘雪盡迎歲早梅新

陽德調溫律。韶光霽禁城。宸衷時茂對。節物早舒英。愛

日心知暖。融風蕙解迎。不嫌春漏洩。正值月嘉平。香自華林

遠。姿含太液清。向南偏爛熳。傍嶺最分明。柳色爭生意。椒花

鬥艷情。履端方仰。聖萬卉樂光榮。

春漏洩

杜甫詩漏洩春光有柳條

嘉平

史記秦始皇更名臘曰嘉平

華林

晉宮閣記華林園有梅二十株

太液

日下舊聞瓊花

島在太液池之陽

傍嶺

一統志大皮嶺一名梅嶺有梅夾道

椒花

晉書劉榛妻正旦獻椒花頌

竹外一枝斜更好

顧宗泰

花暗江頭樹幽芳寄一枝分明修竹外依約早春時好影檀

欒色斜疑澹白姿影疎搖翠薄葢凍出香遲月曉橫臨水風

清半隔籬郎官應借興健步不須移綠玉分寒態輕冰冷瘦

肌江南消息早先遣蝶蜂知

檀欒

枚乘兔園賦修竹檀欒夾水碧鮮

健步移

杜甫詩安得健步移遠梅亂插繁花向晴吳

消息

李白詩聞道春還未相識走傍

寒梅訪消息

春雪映早梅

彭孫通

何遜早梅詩映雪擬寒開

春雪舞雕甍春梅照綺夢雪遲如有待梅早似相迎銀海千

層合琳枝幾樹明乍飛猶弄態交映倍多情錯落開池籞續

紛拂戶楹臨風爭婀娜得月並縈盈露篠遙分影霜禽暗辨

聲夕霏銷袂濕曉夢蝶魂輕冉冉花兼絮冥冥雨更晴郢歌

傳玉笛隴信報瓊英薄暝依稀見餘輝漱灑生色香空不染

臭味淡相成東閣耽幽寂西洲抱潔貞縱因時序轉未改歲

寒盟皓質早桃李靈區匹閭瀛人無黃竹怨仙是綠華名覽

物心彌曠澄懷境至清芳流梁苑簡瑞貺傳巖羹御陌

瑤光徧天葩淑景呈浩然窺太素淳化復何營

銀海道經肩為玉樓眼為銀海蘇軾雪後書北臺壁詩光搖銀海眩生花 綃袂高啟梅花詩縞袂相逢半是仙 郢歌宋玉對楚王問客有

歌于郢中者其為陽春白雪隴信 荆州記陸凱與范曄友善自江南寄梅花一枝詣長安與曄并贈詩曰折梅逢驛使寄與隴頭人江

南無所有聊贈一枝春東閣 杜甫詩東閣官梅動詩興西洲 晉西洲曲憶梅下黃竹穆天子傳天子獵于鉞山北風雨雪

有凍死人天子作黃綠華 石湖梅蘆梅花純綠者比之九疑仙人夢綠華云梁苑簡 謝惠連雪賦梁王遊於兔園微霰零

密雪下接簡於司馬大夫曰為寡人賦之

紅杏枝頭春意鬧

李如蘭

宋子京詞

莫認東風面須知春意融幾重烟冒綠十里錦翻紅似占無雙品疑開第一叢馬歸金榜後人醉玉樓中樹樹婀娜發枝枝點綴工濕衣沾雨潤照水麗晴空蝶戲高低舞蜂狂曲折

通。上林韶景在爛熳自相同。

東風面宋子春日詩等閒識得東風面萬紫千紅總是春 金榜後撫言唐進士杏花園初會謂之探花宴 玉樓韋莊詩金勒馬

嘶芳草地玉樓人醉杏花天 濕衣僧志南詩沾衣欲濕杏花雨

日邊紅杏倚雲栽

華 棧

文杏傳仙種栽培蔭御隄香從雲路滿春向日邊迷露粉

沾。還膩冰綃剪正齊綠楊初拂水紫燕乍銜泥不似梅魂瘦

何嫌桂影低玉樓人欲醉金勒馬頻嘶宴為探花設詩宜賜

筆題枝頭方爛熳高步上天梯

文杏西京雜記上林苑有文杏謂其樹有文彩也 冰綃宋徽宗詞裁剪冰綃輕疊數重冷淡朦朧勻注 綠楊鄭谷詩柳絲牽水杏花紅

燕鄭谷杏詩小桃新謝後雙燕却來時

杏花春雨

吳鴻

東風開杏苑。鮮艷一枝春。露浥宮脂潤。霞迎媚臉新。曾邀瓊宴客。慣引玉樓人。綽約兼含雨。芳菲更絕塵。輕陰寒食節。細洒曲江濱。沽酒紅林濕。沾衣翠袖勻。催耕宜此日。播穀及茲辰。聖代恩膏渥。鑾輿警歲巡。

沽酒

杜牧詩借問酒家何處有牧童遙指杏花村

御溝新柳

黃叔琳

一曲清溝繞。千章弱柳垂。霏微新雨沐。淡沲好風吹。曳岸縈金縷。牽波漾碧絲。舞當亭午倦。眠為薄寒遲。紫陌初偷眼。紅樓乍掃眉。依依環鳳闕。嫋嫋接龍池。尚覺芳春淺。難忘

湛露滋。條長仍掠燕。陰密慣藏鷗。低拂橋如畫。輕籠水作漪。自憐饒態度。偏喜露丰姿。着意栽培日。含情濯漑時。發生同此樹。俯仰荷恩私。

金縷

戴叔倫詩雨

舞倦

溫庭筠柳枝詞斜

眠遲

三輔故事漢苑中有柳狀如人形號曰人柳一日三眠三起

偷眼

辛寵遜柳詩纔

掃眉

韋承慶詩葉

綠柳纔黃半未勻

黃叔琳

楊巨源

早春詩

碧柳含新意。春光到舊條。欲眠方露夕。漸軟濯烟朝。當路舒青眼。分行見翠翹。微窺眉黛細。淺借額黃嬌。踈薄疑輕織。參差入淡描。金城分冶色。銅埒視芳標。晴日連枝耀。東風半面

饒映樓遲拂地迎馬未遮橋灞岸絲誰折靈和縷乍飄黃鸝
諧並坐紫燕巧相招得地栽深院含姿長慶霄龍池一夜雨
彌望綠陰遙

漸軟

崔護詩 嬾腰晴更軟

額黃

梁簡文帝詩 同安鬟裏撥異作額間黃

金城

桓溫傳 溫北伐行經金城見少為琅琊時所植柳皆十圍

面

南史 梁元帝徐妃以帝眇一目每帝入為半面粧

灞岸

一統志 灞橋在西安府城外漢時送行者多於此折柳贈別

龍池

錢起詩 龍池柳

色雨中深

柳邊風去綠生波

黃叔琳

羅鄴詩 橋畔月來清見底柳邊風去綠生波

春入長楊苑。搖空異態呈。偶憑風力駛。旋觸浪痕生。疊疊吹
初起。層層漲未平。紆迴鱗影感。澹施縠紋輕。萬樹垂梁館。千

條匝渭城。臨江窺瀲灩。極浦想縱橫。染汁侵袍綠。迴波照眼
明。偏宜飛燕掠。詎有海鷗迎。張緒風流渺。王恭格韻清。孤標
臨碧鑑。幽賞汎滄瀛。飄絮疑翻沫。垂絲想濯纓。冥冥花塢外。
不盡鞦韆情。

長楊

三輔黃圖 長楊宮在扶風盩厔縣東南三十里其中有垂楊數畝

染汁

三峯集 李固言未第前行古柳下聞有彈指聲固問之曰吾柳神九烈君

也以柳汁染子衣矣果得藍袍當以棗糕祀我固未久及第

張緒

南史 張緒字思曼齊武帝時益州刺史獻蜀柳數株枝條甚長狀如絲縷帝植於靈和殿前常

嗟賞之曰此柳風流可愛似張緒當年

王恭

晉書 王恭字孝伯美姿容或目之曰濯濯如春月柳

鞦韆

唐文藝傳 王維別墅在鞦韆川有華子岡歌湖竹

里館柳浪 辛夷塢

原隰萋綠柳

劉希向

謝靈運詩 原隰萋綠柳墟園散紅桃

醉香集卷之四 植物上

大地韶光遍。參差柳覆隄。臨風垂弱線。映日長柔莢。冷眼舒
將醒。新眉畫未齊。拂衣青染綬。舞袖綠縈縈。疎影藏鴉淺。輕
烟掠燕低。殘梅還點點。芳草共萋萋。贈遠愁難折。懷人望欲
迷。應知春色早。游賞逐行蹄。

原隰萋綠柳

沈初

原隰春歸早。含芳柳正萋。遠添新雨綠。輕逗晚烟齊。照水痕
猶淺。迎風舞欲低。一行開翠黛。百轉待黃鸝。未映花光艷。先
隨草色迷。柔枝迴玉勒。細葉剪金閨。縷拂長隄外。陰生小苑
西。何時吹短笛。折取傍障泥。

烟輕柳未絲

繆沅

宛宛長隄柳。含情占早春。望中青眼嫩。低處翠眉顰。羃歷煙
初捲。迷離色可親。柔莢如見指。細葉暗生鱗。水泂輕揚影。樓
頭轉側身。停梭絲未理。開鏡黛將勻。碧玉眠纔起。鶯黃舞乍
新。攀條思往事。橫笛感芳辰。鴉髻山如墨。裙腰草似茵。縱能
縈畫舫。未解贈行人。春淺濛濛雨。車迴滾滾塵。王孫欲歸去。
攀折莫教頻。

見指生鱗

歐陽詹詩柔莢生
女指嫩葉長龍鱗

水泂

漢楚嫁切音叔水岐流也
韓愈曹成王碑行趾川泂

鶯黃

王安石
詩弄日

鶯黃鼻
農垂

橫笛

笛有折
楊柳曲

裙腰

白居易詩草綠
裙腰一道斜

王孫

李商隱柳詩如線如絲正
牽恨王孫歸路一何遙

烟輕柳未絲

朱筠

生意呈清蘂。新楊得氣初。豈矜風雨重。猶帶雪霜餘。倒影窺

芳沼迴陰掠綺疎參差行處亂。縹緲望中虛。莫挽條為結。難將汁染裾。腰纖還學舞。髮短不勝梳。濯濯臨官路。依依繞帝居。佇看春色滿。大造日吹嘘。

細光添柳重

金 牲

喻鳧詩

綺陌晴薰久。春容膏沐添。雨絲侵曉散。柳帶倚風霑。光動疑含露。枝低儘亞檐。攀條應轉便。飛絮更無嫌。慢舞歡方劇。慵眠飲正厭。淚滋餘眼纈。黛發隱眉尖。浥潤花盈砌。迎暄日映簾。定知畱汁在。彈指聽佳占。

雨餘看柳重

袁曰修

匝地春迴暖。新條嫩綠齊。風前連翠嫵。雨後着烟迷。絮濕疑拖雪。絲垂怯拂泥。眉低猶帶淚。腰細不勝綈。濃壓淺深水。陰遮長短隄。漢宮疑宿霧。隋苑縮寒溪。罽罽藏遊騎。柔柔聽轉鷗。初晴蒸絢爛。桃杏接成蹊。

垂楊蔭御溝

鄭虎文

謝元暉鼓吹曲

春水初生候。晴波漲御溝。垂楊依遠岸。密葉蔭清流。倒影清如滴。涵空綠似揉。衙排應碍馬。枝亞欲侵舟。鏡與眉痕展。絲將荇帶浮。麴塵迷鷺羽。金縷罨魚鈎。細雨眠難定。斜陽澹欲收。托根欣得地。輦路侍宸遊。

綠楊花撲一溪烟

吳元燮

別浦朝來暗。垂楊色正新。烟深常帶雨。花弱不勝春。蕩漾如將墜。悠揚若可親。暎簾疑舞雪。逐浪化浮蘋。濕影籠輕靄。晴香隔細漚。橫縈垂釣客。偏惹蕩舟人。點點愁如許。依依恨未申。仙源應有路。何處問通津。

化蘋

本草註萍即楊花所化按蘋即萍之大者

楊柳月中疎

費宏勳

涼月當空滿。長條入照疎。三更斜挂處。一樹遠垂初。眼帶金波冷。眉臨玉鏡舒。煙消清欲瘦。露滴澹含虛。翠幄微翻浪。青絲合倩梳。榆陰生歷歷。桂影度徐徐。小立人方靜。相思態有餘。

餘夜光眠不得。張緒近何如。

榆陰

見玉繩低建章詩注

桐始華

祝維詰

禮記月令季春之月

金井桐。萋萋春深自吐華。應時纔點綴。垂蔭漸交加。葢簇千叢細。香浮百尺餘。粘枝黃雪膩。接葉綠雲遮。院落人方見。朝陽景正嘉。來儀應有鳳。練實并橫斜。

井桐

白居易詩覆井桐新長

百尺

枚乘七發龍門之桐高百尺而無枝

黃雪

羣芳譜梧桐四月開花嫩黃南史梁邵陵王綸傳黃雪紛糝

綠雲

白居易桐詩千葉綠雲委

練實

韓詩外傳黃帝時鳳凰栖帝梧桐食帝竹食莊子鷓鴣非練實不食注練實竹實也

桐始華

錢維城

百尺龍門樹春深淑氣通。枝高滋地脉。花早識天工。結蕊承新露。含苞待好風。烟深晴欲暈。月淡影輕籠。未綻離離乳。先攢細細叢。繡簾垂隱約。翠幙罩玲瓏。柳絮應難並。萍生未許同。朝陽迎聖瑞。敢擬咏栖桐。

離離乳

毛詩其桐其椅其實離離注子桐乳致異注桐子似乳

嶧陽孤桐

金姓

律調孤竹管。琴重特生桐。方物淮徐右。名材葛嶧東。迎陽偏毓秀。拔萃肯依叢。泉石鳴天籟。鸞鳳應月筩。縠絲聯異地。浮磬聽同工。太古元音在。中朝職貢通。格超夔摯上。韻溢舜弦終。一曲南薰奏。泠泠解阜風。

孤竹管

周禮大司成孤竹之管注孤竹竹特生者

鸞鳳

沈約賦喧密葉于鳳晨宿高枝於鸞暮

疎雨滴梧桐

葉觀國

孟浩然嘗聞遊秘省秋月新霽諸英聯詩次當浩然曰微雲淡河漢疎雨滴梧桐舉座歎其清絕不復為綴

高秋天氣爽。桐際雨來疎。浙瀝垂梢重。青葱綴影虛。數行斜點處。一葉始凋初。響接文鴛瓦。涼生碧玉除。流珠光不定。鏘珮韻相如。試聽銀床畔。聲聲灑漸舒。

銀床

庾肩吾九日侍宴詩銀床落井桐

桐葉知閏

蔣和寧

通甲注梧桐以知日月正閏生十二葉一邊有六葉從下數一葉為一月有閏則十三葉視葉小者則知閏何月也

碧葉翻金井。疎陰覆綺櫺。能知成歲意。占取化工靈。色向門

中秀光分。圭上青繞枝。皆十二一片。獨奇零。小試蒲葵扇。輕
摩驚鷺翎。虞琴猶待斲。軒瑄已如聽。本是朝陽種。還同候月
奠。民時方敬授。裁合傍彤廷。

門中

說文謂之禮天子居宗廟閨月居門中
从王在門中周禮閨月王居門中終月也

圭上

呂氏春秋成王與唐叔虞
燕居剪梧葉以為圭日以

此封 候月奠

東京賦注奠茨瑞應之草始一日生一莢至月半生十五莢十六日
落一莢至晦日而盡小月則一莢厥不落王者以證知月之小大堯

時夾皆
生之

五月榴花照眼明

邵昂霄

韓愈

詩

五月暑偏清。朱榴應候榮。薰風吹不斲。鶉火耀長羸。刻玉攢
青葉。裁綃感絳英。染來霞共曙。然處雨初晴。爍爍光疑轉。熒

熒。燄欲迎。蠟融。伶蒂重。房聚。覺花明。深映人兼麗。遙看目已
成。浮槎能有意。移植近蓬瀛。

鶉火

南方七宿自井至軫為朱鳥柳星張
為鶉火狂牧之詩似火山榴映小山

長羸

爾雅夏
曰長羸

裁綃

溫飛卿詩細
綵剪成叢

染霞

沈亞之詩染日
裁霞深雨露

蠟蒂

溫飛卿詩蠟
珠攢作蒂

浮槎

博物志張騫使西
域還得安石榴

槐日午陰清

金 姓

炎景開長夏。新枝滿上林。葵心無轉側。槐影正森沉。穿漏光
逾薄。蕭疎氣漸深。雲披雷美蔭。風引聽清音。北戶涼應早。南
柯暑不侵。若華寧遠折。火繖任中臨。燕舞窺青瑣。魚游傍綠
陰。文昌華殿啟。瀟灑契宸襟。

若華

離騷折若木以拂日兮注若木
在崑崙西極其華光照下地

火繖

韓愈詩赫赫
炎官張火繖

秋風生桂枝

李汪度

沈約鍾山詩

滌暑商飈動。清芬桂樹流。一枝誇獨秀。萬壑嘯深秋。質以冬
榮麗。香因天籟浮。吹來蟾窟裏。飄自鷺峰頭。密綴黃金粟。叢
遮碧玉樓。不隨涼葉脫。常伴小山幽。月影婆娑合。風條醜醜
收。瓊林多美蔭。披拂共遨頭。

獨秀

王績問答詩風霜操落時獨秀君知否

冬榮

楚詞嘉南州之炎德今麗桂樹之冬榮

金粟

柳永咏桂詞一粒粟中香萬斛君看梢頭幾金

栗小山幽

劉安招隱士桂樹叢生兮山之幽序招隱士者淮南小山之所作也按漢淮南王招致賓客分造詞賦或稱大山或稱小山

遨頭

老學庵筆記四月十九日成都謂之浣花遨頭宴於杜子美草堂滄浪亭傾城皆出錦繡夾道

天香雲外飄

吳鴻

駱賓王靈隱寺詩桂子月中落天香雲外飄

蟾窟分根處。秋林次第芳。一枝含冷露。萬斛逗晴光。馥郁生
空界。氤氳徧上方。金鋪龍藏粟。花散鷺峰黃。帶雨飄仙闕。凌
風達帝鄉。月中原有種。雲外豈無香。爽氣飛瓊樹。清芬
映玉堂。廣寒如許折。鵬路任翱翔。

上方

解琬詩瑞塔臨初地金輿幸上方

龍藏

沈約內典序足蹈慧門學通龍藏

廣寒

龍城錄上皇與申天師雲遊月中見一大宮榜

曰廣寒清虛之府

桂林一枝

金牲

一枝新喜折。八桂舊成陰。葉厚珪凝碧。花繁粟燦金。天香行

晉書却詵傳以對策上第拜議郎累遷雍州刺史武帝於東堂會送問詵曰卿自以為何如詵對曰臣舉賢良對策為天下第一猶桂林之一枝崑山之片玉

處滿月窟望中深。競愛連卷影空懷。縹緲心高攀誰許。斫小
摘。擬崑山共獻琛。

桂林八樹在連卷招隱士偃蹇連誰許斫酉陽雜俎月中有桂樹
桂水出焉卷今枝相繚樹下有人恒斫之樹創

名剛
低桂

冷露無聲濕桂花

王建十五
夜望月詩

李如蘭

露濡涼夜靜。叢桂小山榮。但覺高秋冷。寧聞落葉聲。香飄雲
半嶺。寒透月三更。金粟隨風散。蟾宮映水清。枝枝疑雨潤。處
處滴花明。只有圓珠墜。曾無白鶴驚。中元今夕賞。天籟幾時
鳴。試向層霄望。悠然攀折情。

松柏有心

秦大士

禮記
禮運

亭亭推木長。拔地倚孤踪。黛染千年栢。髯飛五粒松。貞心天
鑒在。勁節歲寒逢。香葉曾棲鳳。蒼鱗欲化龍。冰霜常自厲。桃
李漫為容。夕照巖前落。流雲澗底封。幽懷惟抱石。本性不知
冬。聖代深培護。傾忱向九重。

木長

史記松柏為百木
長也而中宮闕

五粒

五代史鄭遨聞華山有五粒松松脂入地千年化
為藥去三尸因徙居求之李賀有五粒小松歌

棲鳳

杜甫古柏行香
葉曾驚宿鸞鳳

日色冷青松

張熙純

王維過香積寺詩泉聲
咽危石日色冷青松

王維詩閉戶著書多歲月種松皆作老龍鱗

不知何歲月。繞屋植喬松。拔地梢千尺。嵒空翠幾重。枝柯巢
鶴。鶴鱗甲。戰虬龍。風勁濤聲急。烟深雲影濃。窮愁長結伴。爵
賞不甘封。偃蓋堪忘夏。槎牙豈畏冬。茯苓根久托。梁棟器能
供。莫認支離叟。崑阿孤寄蹤。

窮愁

史記虞卿傳贊非窮愁不能著書以自見于後世

不甘封

用秦始皇封五大夫松事

古檜

張廷璐

不識何年植。春來翠滿林。冰霜雖歷久。雨露亦霑深。幹起螭
虬勢。根含鐵石心。扶桑分素影。若木借清陰。月上青鸞舞。風
來白鶴吟。靈膏流玉髮。香韻散瑤琴。靜撫時三匝。閒觀日二

臨結根從福地。華寔自森森。

渭北春天樹

周琰

杜甫詩

長安足春色。芳樹望中佳。天漢橫橋渡。清陰匝岸排。雜英鮮
乍染。萬葉淨誰揩。倒影臨深渚。垂枝出斷崖。送風香滿甸。敷
蔭碧浮階。遠陌看成薺。連峰插似釵。挂帆爭拂檻。嘶艸徧籠
騶。自是皇州暖。灑灑雨露皆。

天漢橫橋

橫首光三輔黃圖始皇引渭水貫都以象天漢橫橋南渡以法牽牛

成薺

孟浩然詩天邊樹若薺

密林合餘清

鄭虎文

謝靈運詩密林合餘清遠峰隱半規

長日清於洗。千章綠正酣。雨深濃欲滴。露重晚初含。接葉低
圍幄。交花密覆龕。啼殘鶯兩兩。涼入徑三三。窗啟陰留北。風
吹韻自南。簷聲搖瑟瑟。簾影落毵毵。蔭坐消煩渴。攀條愛蔚
藍。栽培 恩獨茂。葱鬱氣常涵。

徑三三

楊萬里東園新開九徑。江梅海棠桃李橘杏紅梅碧桃芙蓉九種花木各
植一徑。命曰三三徑。因賦詩云三徑初開自蔣御。再開三徑是淵明。誠齋

奄有三三徑一
徑花開一徑行

千章夏木清

李汪度

杜甫
詩

喬木臨長夏。清陰徧大千。幾行分繞屋。萬纛欲參天。葉展濃
雲布。枝交翠幄連。漫山添秀黛。過雨引飛泉。高挹重霄露。平

臨一水。煙曉涼。喧宿鳥。夜午靜。鳴蟬。葱鬱占佳氣。青蒼歷歲
年。宸懷勤茂對。品彙樂暄妍。

大千

華嚴經有小千世界中千世界大千世
界此三千世界之中有百億須彌山

老樹空庭得

汪利賓

庭虛烟景濶。古木蔭隆穹。黛色團青蓋。苔痕護綠叢。百年滋
雨露。一室藉帡幪。篩月繁枝亞。擎雲曲榦通。輪囷紋左紐。蚪
結勢盤空。愛此高千尺。偏宜拓半弓。知非荒圃植。未許散材
同。倚樹時開卷。清吟興不窮。

左紐

見前
先
師廟詩注

老樹經霜飽

杜甫
詩

張熙純

青女嚴威肅。小園霜信經。槎枒撐古樹。憔悴蔭空庭。冉冉金
風襲。娟娟玉露熒。疎林留月影。老榦繞龍形。到骨寒初透。封
條氣尚青。千山紅葉晚。一夜綠陰零。凍雀依枝宿。驚鴻隔浦
聽。春陽迴律後。生意遍郊坰。

露葉散林光

許憲

銀漢橫天末。芳叢爽氣侵。澄輝浮夜色。墜露浥秋林。湛湛明
疎影。英英結澹陰。似籠雲采薄。疑泛月華深。乍濕光難定。微
零響易沈。映池常晃漾。拂徑最蕭森。宿鳥時驚起。幽人每獨
尋。石牀閑徙倚。餘潤入清襟。

石牀

王維詩雨花
應共石牀平

霜葉紅於二月花

李東旭

杜牧詩停車坐愛楓林
晚霜葉紅於二月花

秋染亭皋綠。川原入望紅。清霜添樹色。寒月逗春工。錦綴千
枝繡。霞蒸一夜風。艷迷桃葉渡。晴誤杏花叢。隔水含烟重。高
林帶日烘。車停斜徑裏。家在白雲中。人影投村落。鐘聲度遠
空。暮山凝紫氣。坐愛興何窮。

桃葉渡

方輿勝覽桃葉渡在秦
淮口因三藏之妾得名

賦夜光木

查慎行

積水生神木。俄登几案旁。四時無改火。五夜必騰光。近映藜
輝淡。遙分桂魄涼。頓教虛室白。臨卷勝螢囊。

本朝五言近體辨香集卷十五

金匱許英海如編註

男璫元仁校

植物下

華平

顧宗泰

張衡東京賦植華平於春圃注瑞木也天下平其華則平有不平處其華則向其方傾

帝德翔天地。嘉葩應候生。名垂千古瑞。開見萬方平。秀氣滋春圃。祥光靄上京。臨風依玉樹。裊露拂金莖。朱草爭誇盛。仙萸並向榮。羞同偏反態。解驗會歸情。靜植因時育。芳枝卜化成。靈和欣得地。何事訪蓬瀛。

朱草仙萼

東京賦豐朱草於中唐又蓋萼莢為難時也故曠世而不覓惟我后能殖之以至和平方將數諸朝階

幽蘭獨茂

勵宗萬

琴操孔子於空谷中見幽蘭獨茂喟然嘆曰夫蘭常為王者香今乃獨茂與眾草伍乃作猗蘭之操

幽處馨難閱。羣推九畹蘭。無能諧眾草。有臭發春巒。眼洗三秋露。心含一寸丹。台偕芝共室。好與菊同餐。况影光風暖。流膏曉雨寒。未應空谷老。試比善人看。獨笑誰為賞。餘芬贈所歡。聖皇宏採擇。紉佩貢朝端。

眼露

李賀詩幽蘭拖露如啼眼

芝室

家語與善人居如入芝蘭之室久而不聞其香

菊餐

楚辭朝飲木蘭之墜露兮夕餐秋菊之落英

光

風

楚詞招魂光風轉蕙泥崇蘭些

紉佩

離騷紉秋蘭以為佩

幽蘭獨茂

許英

幽谷無人到。叢蘭暗吐芳。數莖才挺秀。竟體早飄香。蕭艾羞為伍。申椒未足方。眾香空有國。九畹合稱王。處士梅何瘦。先生柳太狂。光風閒自汜。清露願偕藏。久處深山裏。誰移砌石旁。托根欣得地。朱草茂中唐。

竟體

梁書謝覽意氣閑雅武帝目送曰覽此生芳蘭竟體

蕭艾

世說毛元常稱寧為蘭摧玉折不作蕭艾榮

申椒

離騷雜申椒與菌桂兮豈

惟紉夫

眾香國

稱王

琴操蘭當為王者香詳前首題注

梅柳

見後秋

清露

阮籍

詩清露

朱草

見前華平詩

含薰待清風

金姓

陶潛詩言蘭待風而香也

九畹及春探。叢蘭挺碧蓂。欲隨梅萼綻。還共蕙香含。花信遲

徧久風光暖漸酣。遙林清吹引幽谷。素心諳秀發。凌芝圃。低垂映菊潭。披襟如可挹。紉佩已無慙。爲有吹噓便。憑將消息參。時來華省重。何事憶湘南。

清露被臯蘭

朱棻元

阮籍咏懷詩

露滴秋林晚。光凝幽谷蘭。九莖花正茂。百晦葉初攢。翠繞珠成顆。青含玉作團。得時方待澤。映日未全乾。傲雪梅偏瘦。凌霜楓易殘。溥溥滋碧墅。湛湛沐晴嵐。志共清風潔。香隨素月寒。恩膏深被處。傾吐寸心丹。

光風轉蕙時

朱棻元

日暖清和候。花開芳徑叢。紫苞含瑞露。翠帶拂晴風。馥郁傳蘭砌。幽芳達桂宮。交枝香宛轉。雙箭碧玲瓏。種自三湘別。名宜百晦同。素心懷佩蒞。馨德表宸楓。入室聯芝采。翻階

映藥紅。栽培知

帝力。葵藿勵臣衷。

看得春光到牡丹

桑調元

三月韶光暮。名葩似錦攢。當風施翠帳。入夜照銅盤。醉靨重。暈芳心寸寸丹。紅顏爭得妬春色。未教闌香萼。嬌無限。瓊枝態更團。繁華今作殿。富貴幾回看。妙舞圍瑤榭。清歌繞玉欄。不須驚晚晚。開較別花難。

銅盤

杜甫詩。銅盤燒燉光。吐日。

醉靨

李正封牡丹詩。國色朝酣酒。

富貴

周濂溪愛蓮說。牡丹花之富貴者也。

妙舞

李商隱牡丹詩。

招腰爭舞 樂史天寶中禁中初重木芍藥得四本紅紫淺紅通白植於沉香
清歌 亭會花開選梨園弟子尤者十六色李龜年捧檀板押樂欲歌上
日賞名花對妃子馬用舊樂詞命宣李白立進 羅隱牡丹詩艷
清平調三章白眉醒未解援筆賦之龜年歌之 多烟重欲開難
紅藥當階翻 王錦

謝朓直中書省詩紅藥當階翻蒼苔依砌上

遲日明朱網韶華展翠叢未調仙鼎露早拂 御階風蕊
合輕綃剪香從細縷融倚欄千葉綠傍砌幾枝紅圓影裁規
月濃姿映霽虹光搖金帶裡彩散玉盤中作態宜清畫餘芬
媚碧空輕盈盈三院北旖旎五樓東莖弱和烟倚苞繁藉雨豐
丰茸當戶牖綽約隔簾櫳種擅維揚最詩吟謝朓工何如依
帝陛長許對 宸楓

朱網

謝朓詩玲瓏結綺疏深沉映朱網

未調

爾雅翼芍藥制食毒古有為藥醬合蘭桂以助諸食

金帶

見後

玉盤

蘇軾詩序

東武芍藥皆重跗累萼中有白花圓如覆盆其下十餘葉承之如盤名玉盤孟

維揚

見後

宸楓

何晏景福殿賦楓楓被宸

恭和

御製賦得紅藥當階翻元韻

于敏中

秘省開紅藥穠香繞碧除春留新譜裏韻動小闌初婪尾傾
無定招腰舞不如麗隨風綽約研借砌紆餘磬折垂金帶蟬
聯颺錦裾佩搖仙露泣軒舉曉霞舒槐蔭周阿接薇陰隔徑
疎自 天傳綵筆好映五雲書

新譜

王觀芍藥譜其品之上者有冠群芳寶妝成畫天工等名凡三十一品

小闌

司空圖詩小闌花前午晴初

婪尾

桑維翰曰唐末文人謂芍

藥為婪尾春婪尾酒乃最後之盃芍藥殿春故名

招腰舞

見前牡丹詩妙舞注

金帶

後山叢話廣陵芍藥有紅瓣而黃腰號金帶圍無種見則

城內出宰相韓魏公守廣陵出四枝選容具宴以賞之同宴四人後皆入相

軒舉

世說軒軒如朝霞舉

槐蔭

因話錄唐尚書省南門有古槐垂蔭甚廣

夜深有絲竹之音省中即
有入相者謂之音聲木
周阿西都賦珊瑚碧樹周阿而生
薇陰初學記開元中改中書省曰紫薇省花木考唐省中植此
取其花
雲書字源黃帝因卿久也雲見作雲書

紅藥當階翻

諸重光

紫省薰風扇。穠華繞砌舒。開當春信晚。韵入午晴初。颺葉琉璃似。翻梢火齊如。狂香飄冉冉。艷影弄徐徐。依檻籠烟處。連畦浥露餘。照窗搖彩筆。承佩拂仙裾。品重脩花譜。方依種藥書。
睿情欣茂對。芳氣滿前除。

琉璃元稹芍藥詩烟輕琉璃葉

狂香韓愈芍藥詩浩態狂香昔未逢

種藥書仙人桐君有種藥錄

侍直圓明園賦得紅藥當階翻

張麟錫

清和當四月。芍藥殿春紅。重叠霞千簇。參差錦一叢。紫樓

玉砌金帶壓。雕籠魚子攢。心細鸞翎刷。辨工蘸香聞。馥郁握管狀玲瓏。十里揚州上。千金畫省中。漏盤欺絳幘。宸極傍丹楓。倘作和羹用。鹽梅定許同。

紫樓劉貢父芍藥譜疊香英紫樓子第六

魚子段成式詩醉袂細侵魚子纈

蘸香芍藥譜蘸金香第十八金蕊紫單葉

十里

揚州孔常父芍藥序芍藥之美專于揚州張于湖芍藥詞風前十里揚州夢

千金張于湖芍藥詞天香國色千金重

漏盤浙江古蹟志

魚戲新荷動

王堡

儵魚游泳處。貼水漾新荷。發發衝晴浪。田田動碧波。乍看鱗出沒。旋見影婆娑。微觸翻金尺。輕搖度玉梭。清香堪作餌。圓蓋恰成窩。活潑機相忘。輕盈態若何。跳珠疑雨打。舞翠訝風

過動植微咸若。池塘溢太和。

田田

漢樂府江南可采蓮蓮葉何田田

金尺玉梭

唐詩魚拋玉尺量江練李璟詩水鳥驚魚銀梭投

芙蓉始發池

徐天柱

謝靈運詩

翠酌初過夏。朱華正發池。露露珠晃漾。魚戲鏡參差。尚覺紅衣歛。還看翠葢欹。銀塘浮葉小。碧漲出花遲。影自亭亭淨。香從冉冉吹。恩波承太液。初日照湘枝。

荷氣上薰風

吳綬詔

荷香原自遠。况復扇南薰。上苑穿林度。西池隔岸聞。芳菲衣暗襲。馥馥氣徐熏。靜引銀塘遍。輕籠翠葢紛。泛蘭應不減。

偃草詎堪羣。烟篆飄時合。簾旌颺處分。披襟思試爽。撲鼻藉傳芬。睿賞絲桐外。炎歊散晚曛。

馥馥

音奄菱說文香氣奄藹也

炎歊

歊音暑氣出貌

恭和

御製賦得涉江采芙蓉

梁詩正

絳華舒碧水。采采傍平疇。宛在投湘浦。疑從濯錦江。露珠圓散點。波影倒涵雙。淨妙三乘筏。莊嚴千佛幢。為裳依楚澤。度曲聽吳艘。夕擘同芳菹。朝搴比綠苙。供宜牕窈窕。響琤淙。景色金塘麗。春葩意早降。

平疇

疇音腔聚石渡水

濯錦

譙周益州志成都織錦既成濯於江水其文分明勝於初成他水濯之不如江水也西陽廣支歷城北有蓮子湖中

多蓮花紅白開明乍疑濯錦

三乘筏

江總棲霞寺碑名僧宴息勝侶薰修三乘謂筏六度為舟

佛幢

殷文珪詩破寺荆榛擁佛幢

為裳

離騷集芙蓉以為裳 度曲 謂采蓮曲 吳艷 袁宏道詩黃生 夕擊朝寒 離騷朝寒此之木蘭兮夕攬洲之宿莽又申

之以 綠芷 沈明臣詩春波采綠芷

恭和 御製賦得涉江采芙蓉

劉綸

薰殿香臨砌。蓬池錦勝江。一奩搖島嶼。三板拓船窓。隄隱蝦
鬚纜。橋通雁齒椿。闌風珠自濺。疎雨玉相攢。翠羽迴漁杙。紅
蜓下釣缸。酬懷交甫佩。度記若耶腔。木末遙情慰。莫灣麗語
降霞天。摘望。添餘綺尚韜杠。

薰殿 李白詩水綠南薰殿花紅北闕樓 蓬池 類林蓬萊池在蓬萊殿前 一奩 倪瓚詩烟雨山前度石湖一奩秋影玉平鋪 三板

錢起詩三 雁齒 白居易詩雁齒小紅橋 闌風 杜甫詩闌風長雨何紛紛長音仗 交甫 補山傳江妃二女遊于江濱逢鄭交甫交

甫目而挑之女解佩與之交甫行數步空懷無佩女亦不見 若耶 山陰若耶溪女唱采蓮曲 木末 楚辭採芙蓉兮木末 莫灣 梁簡文帝有芙蓉

莫女詩又王維朝川有芙蓉黃汧維及裴迪各賦絕句 韜杠 杠旌旗竿也爾雅講武素錦韜杠注謂以白地錦韜旗之竿

涉江采芙蓉

金 牲

為愛芙蓉好。舉芳試涉江。晴波開曉鏡。淨植倚仙幢。望遠踰
湘澧。含芳勝菹芷。凌風搖白羽。照水散明缸。偶泛扁舟。一時
探。並蒂雙瓊林。依佩結蘭臭。喜心降。待作瑤華贈。還吟健筆
扛。移根環太液。香送滿雕牕。

白羽 杜甫詩江 瑤華 楚詞折疏麻兮瑤華將以遺兮離居 健筆扛 韓愈詩文章日娛戲金石日擊撞龍文百斛鼎筆力

可獨扛

出水芙蓉

金 牲

李白詩清水出芙蓉天然去雕飾

露草珠穿穗。銀塘鏡啟奩。裁看蓮蕊綻。徐逗水紋纖。翠蓋圍橋柱。朱華映舫簾。更無清麗匹。何止色香兼。淨植真堪愛。汗泥總不沾。倚風渾欲笑。銷夏頓忘炎。泛綠遙情寄。凌波雅韻拈。天然非藻繪。刻畫愧無鹽。

杜甫秋晚北池臨眺詩 露草

李白詩 朱顏笑倚風

曹植洛神賦 灼若芙蓉出綠波

世說何乃刻劃 無鹽

出水芙蓉

金 姓

銀塘荷柱立。倒影鏡開函。秀毓通中理。清涵潤下鹹。翠流看擁蓋。紅膩想牽衫。玉井仙源隔。湘波遠思緘。靜邀寒木詠。閒送涉江帆。墜粉魚爭啜。垂珠鳥怯銜。蒲芽常共茁。荇帶倩誰

菱解得天然妙。新詞迴不凡。

翠蓋

古詞翠蓋佳人臨水立檀粉不勻香汗濕

紅膩想牽衫

杜甫詩 紅膩小湖蓮

玉井

韓愈詩 大華峰

頭玉井蓮花開十丈藕如船

朱華冒綠池

黃叔琳

曹植公讌詩注 朱華芙蓉也

瑞旭銀塘靜。紅芝漾碧漪。約房鮮蕊簇。承蓋翠衣披。濯濯停淵淨。亭亭傍檻宜。落霞凝秀靨。團露浥香肌。解佩臨臯畔。凌波望水湄。渚香風一片。橋颭雨千枝。的皪瀛洲鳥。芳菲太液池。賞因君子愛。采為美人思。只許文禽到。曾無戲蝶窺。柳堤晴掩映。蘭楫晚輕移。趁曉分蓮酌。迎涼斷藕絲。最憐遙立處。

敷藻接丹墀

紅芝

王芝詩紅曳水芝銷

文禽

鴛鴦名范石湖雙蓮詩但許鴛鴦相對浴休驚翡翠一雙飛

蓮的

爾雅荷其實蓮其中的的中意

荷淨納涼時

蔣元益

杜甫詩

太液含膏澤。亭亭發瑞荷。清芬浮座入。爽氣拂花過。湛露承金掌。輕風散玉珂。淨知塵不染。涼覺暑無多。綠映雲霞色。香留激艷波。雨餘珠蕩漾。魚戲影婆娑。捲幔迎暉采。披襟聽棹歌。睿情欣茂對。物類樂天和。

太液

百下舊聞萬歲山在太液池陽引金水河西流入于太液池

棹歌

古採道曲秋江岸邊蓮子多採蓮女兒棹船歌

荷淨納涼時

秦勇均

上苑南薰至。銀塘透碧荷。紅衣輕試粉。翠蓋薄垂羅。愛潔沾塵少。含香挹露多。芳姿常映水。涼氣靜凌波。倚檻迎風立。攜舟向晚過。隔隄遮綠柳。夾岸長青莎。滿袖皆延爽。披襟欲放歌。相逢君子德。當暑亦清和。

試粉

杜甫詩露冷蓮房墜粉紅

垂羅

王昌齡詩荷葉羅裙一色裁餘並見前

荷淨納涼時

張湄

輕涼生水殿。麗景展風荷。色共川光瑩。香含雨氣多。綠雲先却暑。紅粉擅凌波。竹外開襟賞。鷗邊蕩槳歌。亭亭標淨植。瑟瑟動微羅。虹散霞千尺。龜遊翠一渦。傾盤珠共瀉。照檻鏡新磨。想見淋池上。頻霑帝澤和。

龜遊龜策傳龜千歲遊千蓮葉上照檻鏡白居易詩水軒平寫琉璃鏡

荷喧雨到時

張麟錫

禁苑連黿竦紅香發芰荷樹頭風勢急葉上雨聲多錯落疑珠濺迴旋似蓋摩乍聞催羯鼓遠聽雜菱歌清簟驚蝴蝶芳池亂鶴鵝虛中原不擾偶觸本無他倏爾收殘暑依然靜碧波餘芬畱未歇涼影弄婆娑

羯鼓見後唐花詩菱歌王翰詩不知湖上菱歌女幾個春舟在若耶蝴蝶莊周夢為蝴蝶見前

早荷承湛露

金 牲

芳塘迎夏景出水愛新荷香送清風遠光含曉露多明珠驚照眼翠蓋怯凌波乍喜施膏沐還疑濕綺羅碧添涼暈淺紅

入醉顏酡未許秋房墜應從仙掌過閒吟采蓮曲雅詠蓼蕭歌共喜沾恩蚤恩深可若何

醉顏酡楚詞招魂美人既醉朱顏酡些

恭和 御製荷珠六韻元韻

梁詩正

雨浥新荷淨珠霏翠葉圓倚風隨意落滴露象秋懸鮫室方盈淚湘妃欲綴鈿掌中擎不定盤裏走誠便魚戲疑吹沫龍啣合媚川水亭邀 睿賞五字共星連

倚風李白詩咳唾落九天隨風生珠玉象秋江淹別賦秋露如珠綴鈿皮日休詠蘋詩寄與湘妃作翠鈿劉孝威採蓮曲露花時濕鈿

風莖乍 掌中傅元詩昔君視我掌中珠星連五星如連珠見前

清露點荷珠

吳以鎮

鳳池清露滴。荷嫩綠雲敷。沾處差同雨。排來略似珠。走盤明不定。傾蓋見應疎。的皪光原燦。圓勻質不殊。驚風離更合。映月有還無。柳線穿何用。松釵綴豈須。未宜量斛買。似許疊錢沽。照乘歸宸鑑。含光貯玉壺。

荷嫩（瘦神記吳郡無錫有上湖大陂陂吏丁初日暮頗有一婦人上下青衣戴青繖冒陰雨行自按陂中視之是大蒼獺衣繖皆荷葉也）柳線松

釵（見前秋露如珠詩）量斛買（石崇有妾曰綠珠以珍珠一斛買之）疊錢（杜甫詩點溪荷葉疊青錢）

荷陰斜合翠

吳泰來

銀浦芳蕖發。亭亭翠蓋斜。柳邊常掩冉。蘋末自交加。弄影如雲散。搖光似扇遮。魚茵沉淺渚。鷺幄障圓沙。黛色連溪暗。螺痕入望賒。波心鋪碧玉。水面起青霞。干柄還聯藕。雙頭每倚

華何當新雨後。采采泛輕艖。

似扇（李商隱詩荷翻翠扇水堂虛）青霞（曹毗臨園賦青霞曳於前阿）

葵心傾向日

金牲

百卉承炎景。惟葵解獻忱。庇根常衛足。向日屢傾心。霧斂迎朝旭。風歌送夕陰。中天方皎皎。圓影正沈沈。宛轉隨羲馭。迴旋象斗斟。近含陽燧火。遙映露盤金。詎擬分光耀。都綠仰照臨。借將丹赤意。持以勵華簪。

衛足（左傳鮑莊子之智不）陽燧（淮南子陽燧見日則燃而為火方諸見月則津而為水）露盤金（羣芳譜秋葵一名側

金盤蘇詩低昂黃
金盤照耀初日光

詠葵

湯右曾

少室初分種。西川舊得名。疏曾傳草木。植每傍階楹。霜後龍
珠寶。春前鴨脚萌。四時皆備氣。五色競敷榮。膩欲調金粉。繁
看點絳英。勻施朱的的。文暎玉晶晶。蜀錦俄裁出。吳綾細織
成。檀心能百結。翠萼解雙擎。密謝多岐葉。疎緣獨立莖。露承
深淺蓋。月映短長檠。本自齊姚魏。從教擬杜蘅。乍添梅雨潤。
微颭葛風輕。比艾迎門綠。如榴照眼明。含薰酬淑序。蓄味
香羹。顧此邱園質。惟應筐筥盛。所懷丹一寸。只向太陽傾。

少室

本草別錄曰冬
葵子生少室山

西川

爾雅注吳葵
一名蜀葵

龍珠

本草集解龍葵
赤珠者名龍珠

鴨脚

格物論葵有
鴨脚之名

四時

王禎農書葵陽草也為
百菜之主備四時之饌

五色

南方草木記浙中
人種葵有五色

金粉

本草蜀葵集解昔人
謂其疎莖密葉翠莖

艷花金粉檀心
者頗善狀之

齊姚魏

歐陽修牡丹譜洛陽花以姚魏為最柳渾詩近來無奈牡丹
何數一類今朝始得分明見也共戎葵不較多

擬杜蘅

宋子維騷集注
杜蘅似葵而香

比艾

荆楚歲時記楚人午
日懸蒲人艾人於門

芣羹

本草集解葵菜
古人種為常食

懷丹

唐彥謙詩傾陽
一點丹心在

鞠有黃花

周世清

禮記月令季秋
之月鞠有黃花

白帝司辰後。寒花發晚香。敷榮當素節。表瑞壓羣芳。本以金
精秀。還因土德良。餐英人共淡。落葉色輸黃。九日開時暮。三
秋納氣涼。清癯高士品。隱逸道家裝。比桂長含露。如葵亦向
陽。上林風日好。莫令歷嚴霜。

寒花

韓琦九日宴諸僚佐詩不羞老
圃秋容淡猶有寒花晚節香

金精

李嶠詠菊詩
金精九日開

土德

鍾會菊花賦純黃
不雜后土色也

餐英人淡

楚詞夕餐秋菊之落英
司空圖詩品人淡如菊

高士品

范至能菊譜叙此
幽人逸士之操

道家裝

晏

獻詞秋花最是黃花好天然嫩態
迎秋早染得道家衣淡粧梳洗時

秋菊有佳色

金鑣

陶潛飲酒詩秋菊有佳色裛露掇其英

暢飲柴桑趣黃花三徑秋鶴翎朝露重金剪晚風柔冷艷傳
高逸寒香托隱流傲成千片瘦清到十分幽霞綺凝紅葉霜
華鬪彩毬題詩登雁塔送酒泛鈿甌處士梅堪匹先生柳作
傳夕英如待採含意在枝頭

柴桑 晉書陶潛傳

鶴翎 菊有黃鶴翎紫鶴翎粉鶴翎白鶴翎等名

金剪 菊有剪金毬辨未細碎如剪

彩毬 菊有上采球花

黃千瓣

雁塔 王勃淨惠寺壁銀龕佛影遙承雁塔之花

處士梅 群芳譜林逋隱西湖于孤山掛巢居閣

純植梅花吟咏自適人稱妻梅子鸞

先生柳

南史陶潛宅邊有五柳樹

秋菊有佳色

華景崧

種菊東籬下秋來色自佳剪金黃未瘦琢玉碧初排香冷風
吹徑花寒露滴階芳惟蘭秀共穎與杞苗偕細藥攢幽幹繁
英掛采牌白衣晨送酒青女夜畱釵莞爾樊川口悠然彭澤
懷傲霜欽晚節百卉豈同儕

剪金 公乘億詩金剪一枝

香冷 五十朋取莊園卉為十

蘭秀 漢武帝秋風詞蘭有秀兮菊有芳

杞苗

文粹陸龜蒙隙地皆種杞菊青苗恣肥

白衣送酒

續晉陽秋陶潛九日無酒坐宅邊叢菊中採摘盈把望見白衣

人至乃王知遣送酒即便就酌

神女畱釵

見前輕

樊川口

杜牧詩塵世難逢開口笑菊花須插滿頭歸

悠然 陶潛詩采菊東籬下悠然見南山

然見南山

輕露棲叢菊

潘元振

籬菊經秋茂。瀼瀼曉露清。一叢黃欲遍。數點著猶輕。玉氣凝寒薄。金翅帶濕榮。蕊含蜂蜜滑。葉泣蚌珠傾。的皪迎風動。霏微映日明。和甘宜泛酒。一掬摘來盈。

菊殘猶有傲霜枝

王式丹

蘇軾詩荷盡已無擎雨蓋菊殘猶有傲霜枝

園圃初冬日。櫛參滿眼看。入檐霜氣重。匝野木聲乾。獨有黃花好。無妨綠葉殘。孤心非附熱。勁節豈驚寒。晶晶方鋪砌。英英自覆欄。迴飈搖玉佩。待雪濯金槃。節候分巖桂。風標應谷蘭。留香三徑晚。得氣一枝單。警鶴應相亞。游蜂不敢干。滿頭還亂插。傍夕好供餐。天意遲清景。吾生愛古歡。和陶新得句。

泛酒莫闌珊

古歡古詩良人惟古惟古舊也

洋菊

柳誼

借得東皇色。遙從西域栽。海邦浮寶筏。佛國貢蓮臺。琢玉成鈎帶。鎔金鑄大壘。瓣空如鳥羽。鬚細若虬頰。纖爪堪爬背。修眉可覆顏。鳳毛迎日舉。龍甲向雲開。密密松針矗。絲絲棘線堆。性情雖隱逸。籬下得秋魁。

寶筏王維詩寶筏渡迷津

虬頰頰頰也俗作腮

纖爪神仙傳麻姑鳥爪蔡經心念背大癢時得此爪爬背當佳

覆顏頰音頰頰下也韓愈記

春寒花較遲

馮班

花前疑臘在。迢遞失春期。日淡雪晴後。露清風曉時。試香初
數朶。歛態不盈枝。粉冷難成笑。朱凝未吐辭。鶯啼如有待。蝶
舞似相思。剪綵龍刀。濕牕中出手遲。

難成笑

李白宮中行樂詞宮花爭笑日

未吐辭

溫庭筠詩桃花百媚如欲語

龍刀

梁簡文帝詩龍刀橫膝上畫尺墮衣前

花隨春令發

張兆熊

王季友詩

東皇方執令。百卉又懷新。造物憑何象。司花信有神。香生迎
暖日。紅綻及芳辰。共識無心化。欣乘有脚春。向陽先應律。含
笑欲依人。似與韶光約。相看景色勻。雨膏催處徧。風信報來
頻。紫陌都成綺。陽和澤本均。

司花

鄒侯應制狀元紅詩巧移傾國無雙艷應費司花第一功

有脚春

開元遺事人謂宋璟為有脚陽春言所至之處如陽春煦物也

風信

荆楚歲時記立春後花信風凡二十四番

雨去花光濕

鄭邦柱

花好初經雨。光從雨後添。艷朱膏乍抹。膩粉汗猶沾。帶潤迎
朝旭。含滋向晚蟾。三春憐晚晚。一氣徹穠纖。獺髓凝眉黛。猩
紅透指尖。非關啼濺淚。似怕浴窺匳。出峽姿難並。凌波態詎
兼。綃巾憑莫近。嬌蕊不勝黏。

獺髓

拾遺記孫和悅鄧夫人和于月下舞水精如意悞傷夫人頰醫曰得白獺髓雜玉與琥珀屑當滅此痕

猩紅

蘇軾詩畫是猩紅與熊白

杜甫詩感時花濺淚

暗水流花徑

許英

狂甫夜宴左氏莊詩暗
水流花徑春星帶草堂

暮色蒼然下園亭晚景良得時花潤澤瀉地水汪洋活潑分
泉脉依稀帶月光藩籬防處潰步屣濕時香漸漬深根茂飄
浮落蕊忙幾回聲汨汨靜聽坐書堂

風花高下飛

楊兆麟

杜甫寒
食詩

寒食東風裏婆娑颺落花高飛仍欲墜低舞忽看斜日暖飄
紅雨枝空散彩霞隨蜂穿別院趁蝶過鄰家亂點翻羅袖輕
揚襲絳紗吹來晴雪滿颺起酒帘遮艷拂青絲騎香迎紫陌
車上林春色好猶自鬥芳華

紅雨

李賀詩桃花
亂落如紅雨

彩霞

江淹蓮花賦見
彩霞之夕照

晴雪

武元衡梨花詩巧笑解迎人晴雪
香堪惜隨風蝶影翻誤點朝衣赤

鳥散餘花落

聯句

張
毛奇齡

暝鳥分飛後張春園返照初枝空搖不定毛花少騰無餘散
毳連英下張零紅逐翅虛喧停飄去靜毛踏久墜來徐點絮
曾啣雀張鋪鱗似鱗魚芳華誰不惜毛流盼轉踟躕張
輦過百花中

胡元復

王維
詩

春色皇州滿宸遊景倍佳遙看五雲輦徐過百重花紅
氣深相映雕輪轉半遮含香迎雉扇飛片綴雲葩枝拂宮旂
迴行分導騎斜非關翫桃李為要省桑麻帶露全晞日乘風

直度霞。自憐幽谷草。倘得傍回車。

紅氣 韓維詩紅氣
通林欲放花

雁來紅

吳家鳳

本草莖葉穗子並與雞冠同其
葉九月鮮紅吳人呼為老少年

纔聞征雁至。紅氣透窓紗。淺土株潛長。深秋彩漸加。施朱嫌太赤。是葉便如花。祇覺春長在。無憂血不華。斑衣萊子宅。寶樹列仙家。駐景誠知幻。還童詎足誇。體非披錦繡。色自帶雲霞。昨夜壽星見。榮光詎有涯。

施朱

宋王登徒子好色賦著
粉則太白施朱則太赤

血不華

淮南子血氣者人之華也
又血不華色魏管輅語

寶樹

頭陀寺
碑祥河

輟水寶

壽星 秋分時見
見則治安

唐花

福明安

景龍文館記景龍四年立春上令侍臣
至望春宮迎春內出綵花樹人賜一枝

驀見芳菲出。繁花鬥早時。不隨春令發。頓使化工移。笑靨先金谷。新粧上玉墀。穠鷲三月樹。晚歷九秋籬。馥郁溫房裏。迢迢羯鼓期。非關晴旭照。詎待惠風吹。喧葉蜂鬚誤。穿房蝶翅疑。麗逾裁錦繡。爛若點胭脂。直與韶光競。還當令節宜。畫堂多燕賞。然否馬騰枝。

溫房

即溫室見日
暖萬年枝詩

羯鼓

天寶遺事明皇羯鼓催花回視桃
杏俱發上曰不喚我作天工乎

馬騰

臨安志東西馬
騰在杭州餘杭

門外居民種
花之地也

東風已綠瀛洲草

費奎勳

直度霞。自憐幽谷草。倘得傍回車。

紅氣 韓維詩紅氣
通林欲放花

雁來紅

吳家鳳

本草莖葉穗子並與雞冠同其
葉九月鮮紅吳人呼為老年

纔聞征雁至。紅氣透窓紗。淺土株潛長。深秋彩漸加。施朱嫌太赤。是葉便如花。祇覺春長在。無憂血不華。斑衣萊子宅。寶樹列仙家。駐景誠知幻。還童詎足誇。體非披錦繡。色自帶雲霞。昨夜壽星見。榮光詎有涯。

施朱 宋王登徒子好色賦著
粉則太白施朱則太赤 血不華 淮南子血氣者人之華也
又血不華色魏管輅語 寶樹 頭陀寺
碑祥河

輟水寶
樹低枝 壽星 秋分時見
見則治安

唐花

福明安

景龍文館記景龍四年立春上令侍臣
至望春宮迎春內出綵花樹人賜一枝

驀見芳菲出。繁花鬥早時。不隨春令發。頓使化工移。笑靨先金谷。新粧上玉墀。穠驚三月樹。晚歷九秋籬。馥郁溫房裏。迢迢羯鼓期。非關晴旭照。詎待惠風吹。喧葉蜂鬚誤。穿房蝶翅疑。麗逾裁錦繡。爛若點胭脂。直與韶光競。還當令節宜。畫堂多燕賞。然否馬騰枝。

溫房 即溫室見日
暖萬年枝詩 羯鼓 天寶遺事明皇羯鼓催花回視桃
杏俱發上曰不喚我作天工乎 馬騰 臨安志東西馬
騰在杭州餘杭

門外居民種
花之地也

東風已綠瀛洲草

費奎勳

李白奉詔賦龍池柳色
初青聽新鶯百轉歌

見說光風轉。龍池草色新。東皇催令序。南陌協芳辰。不盡吹
噓意。無邊澹蕩春。晴熏三島遠。烟靄十洲勻。淺碧迎金勒。輕
藍繞畫輪。探來花有信。踏去路無塵。拾翠多仙侶。登瀛並玉
人。杏林沉醉後。枕藉愛文茵。

金勒韋莊詩金勒
馬嘶芳草地文茵李義山詩芳草
如茵憶吐時

池塘生春草

鄭虎文

謝靈運詩

謝客池塘古。雲開一鑑清。懷人春入夢。傍水草初生。鈞石芳
茵軟。魚磯碧毯平。燒痕和岸沒。秀色映波明。曲澗青羅繞。長

隄翠帶橫。柳垂金縷暗。鷺點雪衣輕。小坐宜敷席。臨流合聽
鶯。咸和徵。聖化雨露荷生成。

謝客謝靈運小字客兒入夢南史謝惠連傳靈運云每有篇章對弟惠連輒有
佳句嘗于永嘉西堂詩思不就忽夢惠連即得也

燒痕詩話總龜僧惠崇
詩云春入燒痕青

春草碧色

鄭虎文

江淹別賦

惠風搖暖律。瑞日散晴光。浮動春難象。芊緜草自芳。問誰參
色相。是處見文章。袍色青何限。裙腰綠正長。燒餘含露氣。腐
後鬱星芒。變滅藏空際。迷離少定方。無私經雨化。有夢到池
塘。即景徵。玉澤翔和百卉昌。

袍色

古詩春袍似青草

裙腰

白居易詩草綠裙腰一道斜

朱草合朔

邵祖節

天戴禮明堂者文王之堂也朱草日生一葉至十五日生十五葉

瑞草符元紀。階前色正殷。懸知時可授。寧俟朔先頒。鏡滿看全茁。輪虧以漸刪。並桐占掛劫。類莢驗循環。盈縮三旬裏。乘除一月間。知風堪並列。指佞合同班。眇鬼何煩警。璣璿亦就閑。彤庭舒化日。卉木近天顏。

並桐類莢

並見前桐葉知閏詩

知風草

類書纂要土人視節知一歲風候每一節一風無節無風出瓊州

眇鬼

謝莊

月賦胸眇警闕眇魄示冲

恭和

御製知時草元韻

蔣溥

萬寓

皇仁浹。仙莖進海西。候同模轉易。

周文王模木之葉變易其色

眠比

柳高低。綴朶圓金燦。敷陰嫩綠萋。移根融地性。按晷合天倪。手撫隨風偃。枝翻應漏齊。嘉名增爾雅。幸荷聖人題。

書帶草

金姓

三齊略記不其城東有鄭康成教授處山下生草如薤葉土人名作康成書帶草

秀草誇書帶。儒林舊事佳。丹鉛爭映發。竹素借編排。木筆同朝露。金燈伴夜齋。詞源沾潤久。藝圃託根諧。韋絕知堪繼。紳書重可懷。化螢須照字。辟蠹擬留荑。不羨蒲為牒。還看樹有楷。聖朝芝檢富。移植傍冀階。

木筆

圖經本草辛夷花一名望春又名木筆以含藥似筆故名

金燈

述異記東方朔謂帝曰臣遊東流至鍾火之山有明莖草夜如金燈折枝為炬照見

鬼神詞源續藝文傳筆有餘力詞無竭源辟蠹續博物志典畧云芸香辟紙魚蠹故藏書臺稱芸臺蒲牒漢書路温舒字長若父使牧羊

温舒於大澤中楷樹見前先師廟詩

萍始生

王堡

禮記月令

春光方獻媚。春水亦敷榮。柳絮紛紛落。池萍點點生。連漪滋嫩葉。潏艷漾新莖。翠映波光綠。圓浮水面平。風過看聚散。雨滴自輕盈。乍覆游魚戲。還隨浴鷺傾。依蒲姿共媚。在藻影同清。極目恩波裡。涵濡碧采明。

柳絮本草注萍即楊花所化

風約半池萍

金姓

杜甫詩

鏡面土花蝕。清池滿綠萍。斜風頻拂掠。半壁漸晶熒。界道雲光白。分峰石影青。已看鋪翠毯。暫遣疊芳屏。魚戲疑穿檻。龜游幸出局。縈苔依岸勢。積葑作堤形。蚤識無根蒂。何緣判渭涇。吹噓憑偃草。天籟靜中聽。

土花王冕詩岐陽石鼓土花蝕翠毯音菱毛席也方田芳屏王勃詩芳屏畫春草葑隄宋史蘇軾傳拜龍圖閣學士知杭州湖水多葑自唐及錢氏歲輒復葑宋興廢之葑積為田水無幾矣軾取葑田積湖中南北徑三十里為長隄以通行者吳人種菱春輒芟除葑不復生

新蒲含紫茸

王太岳

謝靈運詩初篁苞綠籜新蒲含紫茸

新蒲初應節。梅雨潤潛含。短短臨斜岸。茸茸映碧潭。似蘆才

作筴如劍乍離函。辨色名非五。逢時伏未三。榴開應奪紫帶。展欲拖藍白。傅難輕擬安期許。獨探佩宜邪。可辟嘗覺味尤甘。小草占咸若。皇風頌遠覃。

蘆筴

本草集解其萌堪食如竹筴

如劍

本草菖蒲一名水劍草其葉中心有脊如劍

辨色名非五

本草集解菖蒲凡五種又

道藏經菖蒲傳其藥以五德配五行葉青花赤節白心黃根黑

安期

神仙傳安期生采一寸九節菖蒲服之仙去

辟邪

歲時記端午刻菖蒲為小人子

或為葫蘆形帶之辟邪

無逸齋看新竹恭紀

查慎行

地闢琅玕鳴。天通箭栝門。烟霄連別院。雷雨過前軒。菽菽風開籜。洄洄水注根。移栽初尚淺。培護久能繁。惜筍寧充饌。抽梢盡出藩。幾年成翠幙。一徑轉蒼垠。潤滴莓苔砌。高扶薜荔

垣。涼陰清有氣。新粉淨無痕。直節人皆見。虛心道亦存。律堪調鳳吹。名豈愧龍孫。好報平安信。休辜長養恩。親從天上看。不羨白沙村。

琅玕

劉禹錫詩傳粉琅玕節熏香菖蒲莖

箭栝門

杜甫詩箭栝通天有一門

抽梢

杜甫詩為問南溪竹抽梢合過牆

直節

虛心

岑參詩守節偏凌御史霜虛心願比郎官筆

龍孫

筍譜俗呼筍為龍孫

平安

酉陽雜俎李衛公守北都惟童子寺有竹一窠纔長

數尺令其寺綱維每日報竹平安

白沙村

杜甫詩白沙翠竹江村暮

栽竹

湯右曾

碧篠生孤徑。幽姿抱一叢。春移膏旋動。晴種雪初融。低小茆。簷稱葱。青蘚砌。同枝疎。常得月。葉密暗。生風羅戶森。相束窺。窻影欲籠靜。搖金瑣。碎微夏玉玲瓏。引蔓朝縈翠。歌花晚亞

紅。每疑烟冪冪。時見雨濛濛。底用論千畝。惟須拓半弓。不凋
思古節。特立愛虛中。宮徵徐流韻。檀欒漸拂空。解苞攢石隙。
抽筍短牆東。粉洗娟娟靜。香流細細通。瑯玕雲肆植。箇籥貢
包充。長養資元化。栽培仰歲功。龍吟裁嶰谷。鳳實下樊桐。

金瑣碎

韓愈詩竹影金瑣碎謂日光也

千畝

史記渭川千畝竹其人與千戶侯等

虛中

江道竹賦含虛中以象道體圓質以儀天

吟

樂書笛者滌也邱仲所作剪雲夢之霜筠法龍吟之異類六孔為笛羌人吹之九孔下調漢部用也

雲肆

趙至與嵇蕃書布葉華屋飛藻雲肆

桐

淮南子閭風樊桐二山名在崑崙閩闔之中

綠篠媚清連

黃叔琳

謝靈運過始寧野詩

曲渚環仙島。叢篁擁翠巒。入空凌倒影。含潤濯迴瀾。遠帶荷

田。潔平添藻采。寒只疑沉玉杖。渾訝挂文竿。細浪林間湧。重
陰澗底團。似屏涵淨淥。如練泛檀欒。碧色應難辨。清光且試
看。地高冰節勁。池迴縠紋寬。搖曳風初動。澄鮮雨乍乾。渭川
宜鳳集。湘浦定虬蟠。漾去千枝密。浮來一葉殘。早歌君子德。
淇澳想盤桓。

玉杖

華嶠後漢書嘉平中表逢為三老錫玉杖

文竿

西都賦揄文竿出比目注文竿竿頭以翠羽為文飾也

似屏

皮日休詩儼若青帝仗轟如紫

姑如練

謝朓詩澄江靜如練

竹箭有筠

金 姓

禮記禮運

東南誇竹箭。文采重浮筠。膩粉隨苞落。明玕照眼新。碧鮮驚

挺秀玉粹喜含淳。嶰管期調律。湘斑肯效顰。質踰瑤草勁。光帶露華津。未厭蒼皮老。惟看翠色勻。清標良拔俗。通理足童身。有斐懷增美。長留上苑春。

東南爾雅東南之美者浮筠拾遺記蓬山有浮筠之幹葉青莖紫明玕陶潛詩亭明玕照碧鮮玉

粹吳都賦玉潤碧鮮蓋賦竹也孫綽原憲贊原憲元默水清玉粹湘斑博物志舜死蒼梧二女啼於洞庭以涕揮竹竹盡斑瑤草江淹別賦惜瑤

草之徒芳通理易君子黃中通理

修竹引薰風

金 姓

陽光臨北極。協氣引南薰。景向葵心直。陰從竹徑分。便娟常帶露。森竦欲捎雲。涼意從容領。風聲浙瀝聞。夾池催穀縹。掃石淨苔文。自可忘炎暑。還能遠俗氛。蘭臺初薦爽。梁苑舊傳

芬。解愠琴歌洽。延清重此君。

便娟見下第捎雲李嶠竹詩葉掃東蘭臺宋玉風賦楚襄王遊於蘭臺之官有風颯然而至梁苑

漢書梁孝王兔園多植竹即所謂修竹園此君晉書王徽之嘗居空宅中便令種竹曰不可一日無此君

盆竹

吉夢熊

饒有瀟湘意。扶疎几席間。蒼苔鋪作逕。白石點成山。歷露痕偏重。凌雲影自閒。幽時常獨對。繁處亦須刪。竿却絲綸繫。叢虛血淚斑。淇川徒景仰。嶰谷許高攀。清氣祛塵想。輕颺淨俗顏。慚非子猷匹。耽玩掩荆關。

子猷即王徽之見前首注

修竹不受暑

秦大士

杜甫詩

北窗忘夏永。修竹滿虛庭。湘簟千枝秀。霜筠萬箇青。寒光搖
瑣碎。細韻戛瓏玲。溽暑渾無力。清秋似已經。捎雲飛屋角。疑
雨拂簷櫺。影逼桃笙潤。涼生羽扇停。陰濃多膩碧。風過有餘
馨。虞殿薰弦奏。蕭疎展翠屏。

桃笙

吳都賦桃笙象篔簹注桃笙桃枝簾也吳人謂簾為笙

修竹不受暑

許英

骨立表清修。柯交響不休。那知炎暑盛。但愛竹叢幽。拒日干
竿午。來風六月秋。颼颼宜傍水。瀟灑恰當樓。避熱賓朋倚。貪
涼鳥雀投。冰心留一片。靜與此君謀。

來風

楚辭七諫便娟之竹寄生江潭上葳蕤而防露下泠泠而來風

窗竹夜鳴秋

吳家鳳

李白謝公亭詩

靜夜聲潛起。虛窗與耳謀。數竿殘暑掃。一徑晚涼留。浙瀝非
關雨。颼颼為報秋。靜和銀漏永。迴拂綺寮道。疑是故人至。還
如暝鳥投。平安欣有信。搖落幸無羞。

故人

李君虞詩開門風動竹疑是故人來

竹柏得其真

許英

竹柏無榮落。青蔥久愈新。扶疎資地德。森秀表天真。孤聳能
左思招隱詩峭蒨青蔥間竹柏得其真弱葉棲霜雪飛榮流餘津

千日相參合作鄰。品非工嫵媚。色更露精純。寄跡千重嶺。何心九十春。白描求畫手。高詠得詩人。蟠屈根寧淺。嶙峋節自勻。聖朝無棄物。械樸尚為珍。

白描 畫斷李公麟字伯時號龍眠工白描作畫多不設色

指佞草

蔣雍植

博物志黃帝時屈軼草生於庭佞人入朝則草指之

堯階傳屈軼。靈草亦昭忠。勁葉知誰敵。疎莖迴出叢。想應心就日。似有氣如虹。自許沾清露。何曾畏疾風。墜譏符帝德。養善贊元功。不待神羊觸。能教害馬空。萋蒲馬足擬。莫莢未須同。盛世無偏黨。宜生幽谷中。

卷十五終

本朝五言近體辨香集卷十六

金匱許英海如編註

男璫元仁校

食物

賜藕恭紀

陳維崧

霽旭升黃屋。風潭敞碧城。君王臨水殿。曉色冷蓬瀛。鳳舸遙遙瀨。龍堂擢秀莖。低舉波碎濺。小摘蔓斜縈。堆去銀灣滿。攜來玉臂輕。早涼侵素柰。內熱笑朱櫻。爽便寒銚削。鮮宜雪椀擎。迴鑿纔北渚。懷果徧西清。是日歡尤劇。移時感倍盈。多年遭汨沒。一勺荷生成。詎料淤泥質。終承採掇榮。孤芳長

寂寂晚節信。硜硜夙世蓮。臺種他年華。頂行皇都瞻。杏

酪澤國想。蓴羹折罷絲。還在拋殘節。又生歌魚欣。藻密向日

効葵傾。節值今秋閏。宵憐晦日晴。恩光渾不夜。萬里總

瑶京。

碧城

太平御覽元始天尊居紫雲之閣碧霞為城

蓬瀛

李賢西苑記北度石橋有瀛洲有金露皆殿名又西南有小山名蓬萊

鳳舸

舊聞瓊花島在太液池中有別塢藏龍舟鳳舸

龍堂

九歌河伯紫貝闕兮龍堂

銀灣

古今類傳李洞以天漢為銀灣

玉臂

合璧類編藕有節盈

尺徑二寸許臂相似肉白

素柰

左思蜀都賦素柰夏成注白柰也

雪椀

有宋嘉話楊徽之詩太宗寫其警句十聯御屏上僧文寶云必以天池浩露滌

筆于冰甌雪椀中方與此詩相副

西清

季善甘泉賦注西廂清淨之處也

蓮臺

彌陀疏鈔欲見阿彌陀佛經于彼國七寶池內蓮花化生愚意

上中下品各有蓮花花各有臺而金剛為臺之最勝

華頂

韓愈詩太華峰頭玉井蓮花開十丈藕如船

杏酪

歲時記清明煮杏酪

見後絲

絲在

溫庭筠詩拘蓮作寸絲難絕

酌生

蘇軾詩新迎千百秋蓮酌

恩賜家大人哈密葡萄樹恭紀

宋 至

雨露何優渥。殊方卉木滋。移根來上苑。壓架照清池。不借

乘槎使。渾如絕域時。疎陰連竹葉。長蔓絡藤枝。就日絲爭吐。

迎風影乍移。青鸞憑掩映。綠鳳迴葳蕤。馬乳知先結。龍鬚喜

乍披。綠墻應纂纂。拂檻想離離。酌酒霑天寵。充盤荷

聖慈。綏桃空羨美。華藕未云奇。計日嘗佳果。乘閒賦小詩。

徘徊芳樹下。留蔭正無期。

乘槎使

合璧類編乘槎至天河本海客事而世乃以為張騫六帖蒲桃種張騫從西域移入中國武帝植之上林苑中

長蔓

圖經本草蒲桃苗似

藤蔓而極大感者

青鸞

金樓子大月氏國善為蒲萄花葉春夏間萬須競發如鸞翼

綠鳳

廣東舊語收香鳥亦呼綠毛么鳳

馬乳龍鬚

韓愈詩若欲滿盤堆馬乳莫辭添竹引龍鬚

纂纂

洛陽迦藍記蒲桃實大如棗古咄咄

歌棗下何橫攢纂古通
攢聚貌互見後利棗詩

酌酒

樂史季白賦清平調太真持頗梨七
寶杯酌西涼州葡萄酒笑領歌辭

綏桃

列仙傳葛田
騎羊入蜀上

綏山食
桃得仙

華藕

見前詩
華頂注

紫禁朱櫻出上闌

積善

王維勅賜百
官櫻桃詩

承恩趨

紫禁宣賜出朱櫻珍重華林種分頒秘署英紫雲

浮瑪瑙絳雪散蓬瀛輝映金莖燦光搖玉椀明貯盤星的皦

照眼日晶瑩歷落珊瑚聚熒煌火齊盈似餘晨露滴猶帶

御香清乳酪疑和就寒漿合釀成朝陽宜飼鳳上苑詎含

鶯翠籠殷勤捧丹九次第傾味誇崖蜜美色較蠟珠頰齒頰

回甘久均沾荷 聖情

華林

宋江夏王義恭啟手
勅猥賜華林櫻桃

瑪瑙

楊銜之洛陽伽藍記元
琛酒器有瑪瑙琉璃椀

絳雪

漢武內傳仙家止
藥有元霜絳雪

玉椀

庾信春賦芙蓉
玉椀蓮子金杯

珊瑚

博物志海中珊瑚出
水見風則堅而赤

火齊

范石湖櫻桃詩火齊
寶纓絡垂於綠繭絲

乳酪

文獻通考朶甘衛養牛馬取乳酪供食唐景龍文館
記帝命侍臣升殿食櫻桃並盛以琉璃和以杏酪

寒漿

王維勅賜百官櫻桃詩飽食
不須愁內熱大官還有蔗漿

寒飼鳳含鶯

李商隱櫻桃詩惜堪充鳳食痛已被鶯含禮
高誘注含桃即櫻桃為鳥所食故曰含桃

翠籠

韓愈勅賜櫻桃
詩香隨翠籠擎

初丹丸

梁庾肩吾謝蒙齋朱櫻啟異合浦之歸
來疑藏朱實同秦人之逐彈似得金丸

崖蜜

太平廣記崖蜜櫻桃也藕
橄欖詩待得微甘回齒頰已

輸崖蜜
十分甜

蠟珠

楊膳夫錄櫻桃黃而
白者名蠟珠最美

恩賜櫻桃恭紀

查慎行

燦燦華林種離離朱實香熟常先夏果貢不待炎方磊砢

初垂樹勻圓正滿筐珊瑚駢火齊沉瀝和瓊漿露帶枝頭潤

盤登葉底涼鳥鵲珠愛赤蜂釀蜜羞黃昨憶西湖獻今來上

苑嘗賜珍蒙見及飽食感非常。配筍厨空敕探花。宴屢張分甘誰得似長侍。聖人旁。

鳥鶻

苦咸切音噉鳥啄物也

配筍

山堂肆考唐朝三月宰相有櫻桃厨又秦中謂三月為櫻筍時

探花宴

秦中

記進士杏園初會謂之探花宴據言宴名有九五曰櫻桃進士尤重櫻桃宴

梅逐雨中黃

萬光泰

五月江南雨迎梅。又送梅繞林垂。後果一夜走輕雷。滴翠侵簾額。分黃映酒杯。迷離金彈墜。取次蠟書開。小顆藏雲幄。低枝壓繡苔。雛鶯偷未過。濕蝶度還猜。和鼎方交待。傾筐已漸催。昔時青未了。今日荷栽培。

迎梅送梅

風土記江南三月雨謂迎梅五月雨謂送梅

後果

上林賦實葉後林注後大也音峻

金彈

李商隱詩不收金彈

拋林蠟書

述書南唐遣使奉蠟丸書言晉密事宋詩只恐春風有機事夜來開破蠟丸書

紅綻雨肥梅

李浚源

杜甫詩綠垂風折筍紅綻雨肥梅

梅實乘時茂。園林過雨霏。朱顏籠翠蓋。豐頰映青幃。共訝花仍發。能令筍讓肥。作酸全木德。止渴解炎威。未問功調鼎。先看服賜緋。潤兼承湛露。色並帶晴暉。暢達偕林薄。涵濡徧甸畿。薰風吹麥隴。併入舜絃揮。

止渴

世說魏武帝行役失道軍皆渴帝令曰前有

盧橘夏熟

顧宗泰

上林賦於是乎盧橘夏熟注伊尹書曰箕山之東青鳥之所有盧橘夏熟

清麗呈佳果。稱名賦裏諳。薰風滋長養。暑雨沐漸涵。漫說盧家種。依然橘味甘。白華疑綴雪。青實勝傳柑。堪與朱櫻匹。惟容丹荔參。璇星瓊樹散。冰齒酢漿含。芬馥箕山產。芳華吳地探。上林如可植。解澤及時覃。

白華

異物志橘為樹白華而赤實

青實

吳錄朱光為建安太守有橘冬月樹上覆裏之明年夏色變青黑味絕美上林賦曰盧橘夏熟近是此也

星

運斗樞璿星散為橘

冰齒

辛賞遜梨詩嚼處春冰敲齒冷

盧橘夏熟

陳景良

江果分盧橘。朱明早吐甘。垂時炎日映。摘處暖風酣。帶實枝相亞。懸苞葉共參。芬芳常外溢。沆瀣已中涵。色誅元霜染。津疑碧醴含。先嘗借素柰。後薦笑黃柑。性自殊淮北。珍偏擅廣

南漢廷傳異種。長向上林探。

元霜

見朱櫻詩絳雪注

素柰

見朱櫻詩

淮北

考工記橘踰淮而北為枳

廣南

廣州記盧橘皮厚大小如甘酢多九月結實正赤明

年二月更青黑

盧橘夏熟

錢襄

嘉果璇星化。炎方水德涵。問名猶是橘。辨色却殊柑。不待凌霜掇。偏從入暑探。鎮心瓜並貴。解熱蔗同甘。梅雨湘江洽。薰風粵嶺覃。朱庭香綴雪。秦樹蔚為藍。差免稱奴辱。何須聽叟談。上林有珍味。獨許侍臣諳。

鎮心瓜

南史鄭灼嘗苦心熱以瓜鎮心起便誦讀

解熱蔗

王維詩飽食不須愁內熱內官還有蔗漿寒

朱庭

見顧詩青實注

樹

李白詩盧橘為秦樹

稱奴

白帖橘曰木奴

叟談

瘦神記巴邛人得大橘剖開有二叟象戲共談

正是橙黃橘綠時

顧宗泰

蘇軾詩

冬來幽景足。雅與薄寒宜。籬落橙初熟。林間橘正垂。鶯黃含嫩色。黛綠映繁姿。新雨重移晚。輕霜試摘遲。懸金凝曉暈。橫翠壓高枝。蟹舍清燈裏。魚村熟酒時。江南誰苦憶。秋老倍相思。好結烟蘿伴。採芳過別陂。

鶯黃

更那卿詞犀紋隱隱鶯黃嫩

重移

杜甫詩細雨更移橙

輕霜

李白詩霜催橘柚黃

黃知橘柚來

錢襄

綠江橘柚熟。黃影上青衫。直似殘霞襯。還疑落照銜。遙憐千樹色。引入一風帆。定屬星精布。翻教水鏡函。參差垂畔岸。隱

現雜松杉。不覺添吟興。何須饜老饒。南交包作貢。西蜀種非凡。更愛峰巒近。移舟傍翠巘。

西蜀種

魏王花木志蜀土有給客橙似橘而非若柚而香

老饒

陸游鄉里食物詩老饒自覺筆力短

八月剥棗

洪近民

西疇農事暇。剥棗自家家。婦子提筐筥。兒童共笑譁。密林敲落月。碩果滿平沙。色艷淮南橘。香凝桂苑花。斧斨爭遠取。雲葉漫交遮。最愛甘如蔗。寧須大似瓜。映顏思阿母。介壽佐流霞。不假安期種。柴門纂纂斜。

甘如蔗

傅元棗賦脆若離雪甘如含蜜蔗疑當作蜜

大似瓜

史記少君以却老方見上曰臣曾遊海上見安期生食巨棗棗大如瓜

母

漢武內傳七月七日西王母當下帝為設玉門之棗

流霞

見纂纂前

潘岳笙賦歌棗下之纂纂詳前葡萄詩注

八月剥棗

熊為霖

南呂初調律。清商應候來。金風飄萬樹。火棗熟千枚。錯落垂朱實。紛披墮翠苔。疑拋紅豆粒。似簇紫雲堆。挈桁林間出。盈筐隴畔回。蔭街桃共植。脩贄栗堪陪。未許安期啖。休誇曼倩猜。上林爭獻罷。持此侑尊罍。

火棗

真浩葉微王夫人謂許長史曰君胸中荆棘未除是以交梨火棗不生也

朱實

傅元棗賦棗葉素華離離朱實

紅豆粒

杜甫詩紅豆啄

餘鷄

航去聲竹竿也古樂府東門行還視桁上無懸衣

蔭街

韓子子產治鄭桃李之蔭於街者莫援也

脩贄

左傳女贄不過榛栗束脩

曼倩

東方朔字曼倩本傳武帝時上林獻棗上以所持杖擊未央殿檻呼朔曰叱叱先生來來先生知此筐中何物也朔曰上林獻棗四十九枚上曰何以知之朔曰以呼朔者上也以杖擊檻兩木兩木林也來來者棗也叱叱者四十九枚上大笑賜帛十疋

買夏欲論園

鄭虎文

蘇軾詩探春先棟

樹買夏欲論園

棟樹春纔過。論園夏忽交。買來寧壓擔。摘去已垂梢。清暑惟仙荔。宜人便樂郊。栽殊修竹逕。居勝海棠巢。遠舍垂圓穎。登盤擘紫苞。嫩防鶯共啄。香引蝶頻捎。取亦何嫌盡。貪應未怕嘲。會須占食指。海嶠托衡茅。

海棠巢

晉廷堅題瀛岸閣詩徐老海棠巢注徐陰樂道隱于藥肆中家有海棠數枝結巢其上時與客飲其中

挂席拾海月

顧維城

謝靈運遊赤石進帆海詩

揚帆采石華挂席拾海月

蒲帆凌海色。碕岸信雕艦。綵繚波紋細。繽紛水族殊。文身疑散錦。空腹似含珠。脆愛開瑤柱。膏憐剖雪腴。漫誇烹鰕俊。不

似釣。鼇。迂。舫。扣。滄。洲。曲。蓬。移。赤。石。隅。共。誰。奪。翡。翠。徒。羨。拂。珊。瑚。沙。際。延。緣。久。搜。珍。興。未。孤。

綵。繚。綵。祖。對。切。繚。音。菜。前。漢。班。倅。仔。傳。紛。綵。繚。今。純。素。聲。注。綵。繚。衣。聲。也。散。錦。曹。植。齊。瑟。行。蚌。蛤。被。濱。涯。光。采。如。錦。紅。木。華。海。賦。雲。錦。散。文。于。沙。汭。之。際。

瑤。柱。老。學。菴。記。明。州。江。瑤。柱。有。二。種。大。者。江。瑤。小。者。沙。瑤。臨。海。水。土。物。志。海。月。大。如。鏡。白。色。正。圓。常。死。海。邊。其。柱。如。搔。頭。尖。中。食。雪。腴。蘇。軾。詩。林。頭。硯。

石。開。雲。月。潤。底。烹。鮓。前。漢。王。莽。傳。注。海。魚。也。後。漢。伏。隆。傳。諸。關。上。言。獻。鮓。魚。注。鮓。似。蛤。偏。著。石。本。草。海。月。蛤。類。釣。鼇。劉。子。渤。海。之。東。有。五。

山。常。隨。波。上。下。帝。恐。流。于。西。極。使。巨。鼇。十。五。舉。首。戴。之。龍。伯。國。之。大。人。一。釣。而。連。六。鼇。寒。翡。翠。子。虛。賦。冷。翡。翠。射。駸。駸。拂。珊。瑚。杜。甫。送。孔。巢。父。

歸。遊。江。東。詩。釣。竿。欲。拂。珊。瑚。樹。

王瓜生

秦大士

禮記月令孟夏之月王瓜生

朱明時應節。菜圃見王瓜。翠結離離實。黃浮艷艷花。薦新來

市口甘味重。山家隴秀初。登麥村香正。焙茶及期紛。蒂落小摘認。藤遮漫憶青。門種欣看綠。玉芽豆棚垂。蔭密草露隱。光賒茂對關。宸慮原田驗。物華

離離。唐章懷太子黃臺瓜詞。種瓜黃臺下。瓜熟了離離。黃花。劉長卿瓜熟感舊詩。黃花綠蒂不勝愁。蒂落。夏侯孝若梁田賦。入果林造瓜

田摘虎掌拾黃班。落蒂離母漬以寒泉。青門。阮籍詩。昔聞東陵瓜。近在青門外。綠玉。明瞿佑紅瓢瓜詩。採得青門綠玉房。豆棚。陳章

詩。豆棚瓜蔓共蕭疎。

絲莖

張熙純

莖音純。水葵也。通作蓴。本草。三八月莖細如釵股。名絲蓴。

蘋末西風起。吳莖思不勝。種移長谷遠。色映上湖澄。引蔓龍鬚細。生香釵股凝。晶簾紫翠荇。冰縷雜烏菱。却愛紅鹽下。何

當碧椀登方洲。秋漸晚。短艇興堪乘。佐豉芳莖脆。炊菰俊味。增更宜偕玉膾。隔浦喚魚鷹。

吳尊

世說張翰因秋風起思吳中蓴菜鱸魚膾

長谷

謝靈運山居賦沿長谷以傾柯

上湖

唐書地理志杭州餘杭縣南五里有上湖本草集解蓴生

南方湖

烏菱

蘇軾詩烏菱白菱不論錢

紅鹽

玉海崇寧四年以興復解池鹽實百官表賀政和元年八月生紅鹽

碧椀

杜甫詩冰漿椀

碧瑪瑙

佐豉

世說王武子食羊酪問陸機曰江南何物以敵此曰有千里蓴羹但未下鹽豉耳

炊菰

鄭谷詩閒烹蘆笋炊菰米本草晉張翰思吳中蓴菰

也

玉膾

天業拾遺錄吳郡獻松江鱸魚乾膾鱸魚肉白如雪不腥所謂金齏玉膾東南之嘉味也

魚鷹

禽經王雉雉鳩魚鷹也韓琦觀蓮詩紅已密障

坐

雪圃乍開紅菜甲

于敏中

韋莊詩雪圃乍開紅菜甲絲幡新剪綠楊絲

積素明蔬圃。田家令可占。乍披紅點點。猶帶玉纖纖。甲拆餘

寒減膏融秀色添。守根丹漸吐。擢穎露新霑。得氣干畦發。先

春七種兼黃芽。資醞釀真味。佐清廉。冰雪心初淨。萌芽品已

覘。辛盤如擬薦。應和水晶鹽。

守根

淮南子萬物有所生而獨知守其根百事有所出而獨知守其門

七種

荆楚歲時記入日以七種菜為羹

辛盤

風土記元日薦

五辛

水晶鹽

北史崔浩傳帝語至中夜賜浩縹醪酒十斛水晶戎鹽一兩曰朕味卿言若此鹽酒故與卿同其味也

賜御饌安肅菜恭紀

高士奇

嘉蔬不易致。珍味下天厨。嫩比山中筍。融如塞上酥。凍餘津

轉溢。霜壓味偏腴。因憶江南雨。青黃幾稜鋪。

茶稱瑞草魁

吳鴻

杜牧詩山實東吳秀茶稱瑞草魁

春雨摘新芽。春泉瀉白沙。一旗看乍展。七椀數何加。蟹眼烹
鑪鼎。松風沸井華。美人飛玉乳。仙子弄冰花。譜入龍團貴。時
先榆火嘉。輕英香碾月。碎脚碧沉霞。鳥嘴休爭譽。鷓鴣山敢浪
誇。由來稱瑞草。額手獻天家。

一旗

茶譜團黃有一旗二槍之號言一葉二芽也

七椀

盧仝茶歌一椀喉吻潤二椀破孤悶三椀搜枯腸惟有文字五千卷四椀發熱汗平生不平事

畫向毛孔散五椀肌骨清六椀通仙靈七椀吃不得也惟覺兩腋習習清風生

蟹眼

茶論凡用湯以魚目蟹眼連繖迸躍為度過老則以少新水投之就火頃刻而

後松風

蘇軾煎茶詩蟹眼已過魚眼生飈颺欲作松風鳴本草平旦第一汲為井華水

玉乳

茶譜婺州有舉巖茶斤片方細所出雖少味極甘芳煎之

如碧玉

冰花 錢俶詩曲檻晚宜供露茗小池寒欲結冰花

龍團

石林燕語建州歲貢大龍團茶仁宗時蔡君謨擇茶之精者為小龍團十斤以

獻榆火

茶譜蜀之雅州有蒙山山有五頂頂有茶園今蒙頂茶有露銛牙錢牙皆云火前言造于禁火之前也

碾月

茶譜衡州之衡山封州之西鄉

茶研膏為之皆片團如月

沉霞

曹鄴茶詩碧沉霞脚碎香泛乳花輕

鳥嘴鷓鴣山

茶譜蜀州雀舌鳥嘴諸茶取嫩芽所造以其形似也又宣城縣

有了山其山東為朝日所燭號曰陽坡其茶最勝鄭谷峽中嘗茶詩吳僧漫說鷓鴣山好蜀客休誇鳥嘴香

人參應

制

田雯

威京志陶弘景曰上黨參形長而黃多實而甘堅白氣味薄遠東形大而質軟今上黨久無復貢自遼陽以東諸山林中皆有之滋潤甘實不如陶所云蓋地靈所鍾之一驗也

遼海黃雲覆。醫閭紫霧函。靈祇藏雨露。元氣抱巉巖。瑶草何
年種。芝田幾處剗。披榛凌絕嶺。採玉帶長鑱。挽土厚三根。
極泉肥九折。岳蠶頭甘可嚼。龜息坐宜銜。瘦老龍蛇縮。髯蒼
虎豹饒。豁耐研虛加切埋澗谷。軫轄色覆松杉。為藥功偏大。呼人
格不凡。苓脂凝琥珀。薤葉走麋麋。雁下盧龍塞。風懸鴨綠
帆。朝鮮使者貢。周禮膳夫監。自異尋常值。何妨什襲緘。丹中

珍有托。籠內物應多。美足侔雙壁。時方頌五成。聖朝無
賤棄。聲價邁瓊城。兼

醫閭

廣輿記醫無閭山今為北鎮

紫霧

禮斗威儀下有紫霧人參上有紫氣

瑶草

江淹登廬山詩瑶草正翕翹李善注玉芝也

芝田

拾遺記崑崙山下有芝田蕙園群仙種焉

三根極

音鴉木極也本草陶弘景曰高麗人作人參讚云三極五葉背陽向陰欲來求我樹相尋樹音賈

頭

卞山志懸頭鼠尾碑顏魯公書在明月峽按此等惟取其字不取碑也

龜息

抱朴子見冢角一物伸頭吞氣試效之輒不復飢乃大龜爾蘇軾詩寧知效龜

息三歲

本草嘉謀曰遼東號窮山

嶺

谷中大空貌韓愈詩俯視驚嶺嶺

呼人

本草時珍曰人

成者根如人形有神故謂之

麋麋

說文麋山羊而大者細角

盧龍

魏志田疇入徐無山中躬耕太祖北征烏桓不得進

疇曰可回軍從盧龍口越白檀之險路近而便太祖引軍出盧龍大斬獲論功行封疇辭曰豈可賣盧龍之靈以易賞祿哉

鴨綠

太祖實錄長白山之上

閨門周八十里源深流廣鴨綠昆同愛濤三

膳夫監

咸京志咸京東北大山及寧古塔黑龍江界內實生人參歲奉

官票

採取

籠中物

五成

司馬相如傳上咸五下登三

雜詩

風軟游絲重

金 牲

沈亞之詩

庭院午風柔。晴絲空際游。閒情多縹緲。靜境偶遲留。乙乙投
梭墜。垂垂汲。綆收紙。鳶看掣。曳香餌。憶沉浮。細引榆錢貫。低
隨柳帶抽。只疑霑雨在。還欲冒花不。借力吹噓倦。牽懷繳繞
休。飛揚應有待。長日儘夷猶。

風軟游絲重

金 牲

光風動春晝。裊裊見游絲。本以輕颺性。能禁宛轉吹。飛塵初
屏息。弱縷故低垂。雨脚懸堪數。爐烟駐未移。有情粘落絮。無

力。傍。高。枝。似。倩。綠。蛛。縈。聊。隨。舞。蝶。歌。界。空。簾。影。誤。委。地。草。心。
知。蘋。末。還。徐。引。青。冥。送。上。時。

雨脚

杜甫詩雨脚如麻未斷絕
杜甫詩爐烟細細駐遊絲

風軟游絲重

秦大士

繡。陌。風。光。軟。悠。揚。見。一。絲。依。依。來。碧。漢。裊。裊。過。清。池。無。力。飛。
難。定。含。情。去。故。遲。行。踪。眠。柳。伴。心。事。落。花。知。遊。騎。停。鞭。處。深。
林。縱。目。時。斜。牽。明。夕。照。微。動。媚。輕。颺。不。逐。長。空。盡。相。看。細。影。
移。帝。城。春。樹。滿。徐。上。萬。年。枝。

林寒卻有烟

吳省欽

野。曠。分。寒。小。林。虛。得。氣。先。斲。峰。遙。入。畫。夕。照。淡。拖。烟。泔。泔。銀。
華。薄。濛。濛。玉。露。鮮。靜。浮。雲。霧。窟。疎。逗。蔚。藍。天。流。水。孤。村。外。殘。
霞。獨。樹。邊。暮。樵。來。荏。苒。長。笛。倚。清。圓。去。馬。雙。鞭。合。歸。鴉。一。字。
偏。漢。宮。春。信。早。行。憇。綠。陰。前。

沙留鳥篆斜

鄭虎文

鳥。跡。開。蒼。頡。平。沙。篆。刻。多。印。泥。裁。翰。牘。畫。菽。傍。烟。蘿。斜。作。臨。
池。勢。輕。疑。踏。雪。過。未。容。慚。野。鶩。端。合。換。籠。鶩。飛。白。環。江。練。烏。
絲。界。綠。莎。書。空。寧。似。雁。破。體。或。如。蚪。帖。擬。來。禽。號。碑。從。斲。岸。
摩。同。文。昭。聖。治。四。海。頌。猗。那。

蒼頡

白帖蒼頡觀鳥跡而成字

印泥

墨教張長史云用筆如印泥畫沙貴藏鋒也

畫菽

世說歐陽修母嘗以菽畫地為字以教其子

池

王羲之與人書張芝臨池學書池水盡黑

踏雪

飛鴻踏雪泥詳月印萬川詩

野鶩

南史庾翼與右軍齊名右軍後進庾始猶不服與人書云小兒

厭家雜愛野鴛圖書會粹王羲之性好鴛山陰道士有飛白蔡邕見門下吏

皆學逸少書龍鸞詳鸞義之為寫道德經寫畢龍鸞而歸破體法書要錄徐浩

白鳥絲異聞集宋堯間有紙織書空程史劉凝岳陽樓詩破體論書鍾善草書

張稱草聖右軍行法小蚪謂蚪蚪書墨數來禽帖王右軍有斷岸碑晉書杜

令破體皆一時之妙蚪顛顛作蚪蚪書來禽帖來禽帖斷岸碑預傳預

好為後世名常言高岸為谷深谷為陵刻石為碑紀其勲績一沉萬山之下二立峴山之上曰焉知此後不為陵谷乎

苔石疑文字邵嗣宗

細雨輕陰外蒼苔點石紋延緣隨罅轉觀縷上階分未便成

新紙從教辨古文隱麟鐫篆籀鬱律掃烟雲曉霧行生潤斑

崖體更紛林空餘鳥跡屐到想鸞群子建添詩思盈川憶舊

聞窓前多綠字流目送斜曛新紙南越志南海以海苔作紙篆籀北史周宣王太史籀著大篆烟雲杜甫詩

紙如斑崖三峒石鈔浯溪上子建曹子建盤石篇盈川楊炯巫峽詩莓苔爛錦

雲烟有元結磨崖碑童則天初路史史皇氏生而能書及授盈川令受河圖綠字而初文字

天際識歸舟汪晫

謝朓之宣城出新林浦向版橋詩

極目新林浦孤情寄遠天舟飛歸鳥外人在白雲邊兩岸秋

山雨千林碧樹煙蒼茫詩趣永平遠畫圖傳乍喜輕帆健寧

愁旅思牽囂塵從此隔心賞獨悠然

歸鳥外岑參詩送客飛鳥蒼茫杜甫詩獨立

外城頭樓最高蒼茫自咏詩

暮雨遠來舟楊禾

薄暮西山暝江頭雨不休故人來遠岸極目認孤舟帆重渾

如定。恍停自在流。正當烟樹夕。遙載水雲秋。隨雁穿寒浦。依
花向小洲。歸遲驚晚見。別久悵來遊。古渡紛紅蓼。迴汀散白
鷗。瀟瀟如晦夜。好與湖前修。

帆重

韋應物暮雨送李
曹詩漠漠帆來重

葦露滴漁舟

梅立本

小艇狎江流。蕭蕭蘆荻秋。風高催落木。露重下扁舟。信宿依
鴻雁。侵晨趨白鷗。聲隨霜葉墮。影逐浪花浮。雲淨天如洗。星
稀月未收。乘潮歸港口。吹火坐船頭。珠豈鮫人贈。華疑江女
留。蓬邊聽浙瀝。梢上想夷猶。釣得鱸三尺。沽來酒一甌。磻璜
應有兆。湘芷漫添愁。冷冷踪難覓。蒼蒼點自由。每從清夢裏。

恍惚到

瀛洲

磻璜

竹書注文王至磻溪呂尚釣於涯王趨拜曰望公七年乃今見光景於斯
尚立變名答曰望釣得玉璜其文曰姬受命昌來提撰爾洛鈴報在齊

水木湛清華

李慶曾

謝叔源遊
西池詩

即看風日好。水木洗塵函。曲苑清光迴。華池麗景酣。樹浮青
似黛。波漾碧疑藍。鳥影窺池兩。蘿陰覆徑三。翠迷松子路。香
泛藕花潭。澹宕詩思愜。森疎畫意含。涼生驅積暑。彩綉映晴
嵐。延眺情何極。風來正自南。

恭和

御製冰嬉元韻

董邦達

元冥移律候。上苑鬪奇觀。欲試憑河勇。先陳宿衛官。晶瑩臨

雪竇蹀躞到滄灘。迅若星流曜。紛如浪激湍。形緣輕。倍捷力。與巧俱。彈豈塵。前車鑒。還同弭節安。弄丸能詎數。超距技非難。涉險猶占利。臨深未怯寒。珠宮真耿耿。玉宇更珊珊。極目疑飛鷲。翻身類聳鸞。縱橫驚鸛陣。馳驟雨風壇。臣愧語冰者。徒從壁上看。

弄丸莊子市南宜僚弄丸而兩家之難解超距索隱猶跳躍也漢書甘延壽投石拔距注拔距即超距也語冰莊子夏虫不可

于時也

歸奇象閏

蔣宗海

四營成易後。終歲積分時。長奉堯廷法。微嗟邵子詩。吉凶縣

易繫辭大衍之數五十其用四十有九分而為二以象兩掛一以象三揲之以四以象四時歸奇於扚以象閏

未定消息起由斯。榮落同靈莢。陰陽問揲著。緯占通卦驗。書授渾天儀。斗柄辰虛建。河圖數不移。紀年應置閏。遺策合歸奇。睿慮通元化。無勞命女羲。

四營筮儀四營三變而成爻消息史記黃帝起消息正閏餘通卦驗緯書名

擬王維送秘書晁監還日本國

沈光熙

拜首辭京闕。歸途向海陬。幾年頻接席。萬里獨登舟。王化無疆界。君恩任去留。遙看龍虎節。徐拂鳳麟洲。國勢憑孤島。鄉心憶某邱。皇華如再賦。芸省佇同遊。

擬王維送秘書晁監還日本國

顧宗泰

滄海渺無際。飄然指故鄉。一朝辭北極。萬里下東荒。沙汭疑

揚采龜鼉欲駕梁。浮雲寒碣石。落日射扶桑。受吏思王土。傳經到異方。安期留鳥在。極望起蒼涼。

送沈歸愚少宗伯 予告還里恭和 御製元韻

齊名南

鑑水歸狂客。都門祖仲翁。人間誇畫錦。天上款春風。著

作神猶旺。登臨興未窮。名曾鐫琬琰。恩自冠鴻鴻。虞典

書賡載。桓生歎啟蒙。帆開湖草碧。窗對曙霞紅。隨地堪行樂。

延年在抱冲。他時仙笈上。端可繼韓終。

雲卧八極 金 姓

心與天遊客。高情寄白雲。一邱聊自適。八極恍無垠。偃息同

龍蟄。翱翔趁鶴羣。神襟通縹緲。仙馭接氤氳。不覺三山隔。還看九點分。舉杯餐沆瀣。脫屣軼塵氛。福地開行館。丹臺訪秘文。幾回凌倒景。斗室尚斜曛。

三山 史記蓬萊方丈瀛洲 九點 李賀夢天詩遥望齊州九點烟 福地 楊炯詩福地陰陽合仙都日月開 丹臺

列仙傳紫陽真人周季道遇羨門子乞長生 倒景 甘泉賦注在日月之上日月反從下照故其景倒

恭和 御製消夏十詠元韻

荷 裴曰修

一畝開文沼。千莖遠綺窻。花時宜永日。采處即清江。翠蓋亭亭直。紅衣灑灑雙。幾餘吟興發。芳韻溢錚鏘。

蟬 李兆鈺

朱夏寂鶯簧。新蟬續韻長。琴弦彈露滑。箏柱鼓風忙。避暑吟
深夜驚秋咽。早陽上林棲。得所無事遠。螳螂。

螳螂 見蟬始

蟬

沈德潛

逸韻響松簧。閒園日正長。噪林喧處寂。移樹定中忙。歛翼含
疎雨。殘聲曳夕陽。幾先能早避。窺伺任螳螂。

扇

許集

團團紈素潔。香氣挹蘭叢。攜出天心月。翔來殿角風。微涼清
永晝。小暑淡晴空。喜共皇仁扇。休和萬國同。

天心月

班婕妤詩新裂齊紈素皎潔如霜雪裁為合歡扇團團似明月

殿角風

文宗與柳公權聯句薰風自南來殿角生微涼

蛙

沈德潛

雨餘蛙倍鬧。同類知應齊。盛怒疑虓虎。長鳴異木雞。塘邊波
拍岸。烟外草平隄。鼓吹晨連夕。相看月色低。

木雞

列子紀渚子為周宣王養閩雞十日而問雞可聞乎曰未也方虛驕而恃氣十日又問之曰未也猶疾視而盛氣十日又問之曰幾矣雞雖有鳴者已無變矣

學之似木雞矣

螢

袁曰修

為愛微光好。蕭然爽氣激。碎如千點火。繁似九枝燈。映壁宵
吟久。投囊夜課增。暗飛螢自照。杜老句偏能。

九枝燈

李商隱詩九枝燈繁夜珠圓

冰

李兆鉅

明傾金掌露。快翦玉壺冰。沁骨寒威壯。窺人冷艷凝。空靈塵不染。淡泊味堪憑。一片清涼界。熱中應未曾。

月

表曰修

乍可湘簾捲。兼宜桂檝遊。窺窓光淡淡。映水影悠悠。宿霧清於掃。行雲輕欲流。檐牙留照後。節氣近初秋。

雨

表曰修

一雨洒郊原。高低遠綠邨。芝蘭清有韻。桃李靜無言。九野歡聲洽。三農樂事繁。人家烟樹外。嵐氣秀朝昏。

瓜

沈德潛

瓜區紛採摘。覆葉帶清香。片削盤呈翠。涼生齒濺霜。東陵風

自古西域貢俱良。何幸逢

君賜分甘正席嘗

瓜

許集

獻得青門種。清甘帶綠香。貯盤紅切玉。熨齒冷含霜。不數冰桃美。難誇雪藕良。君恩時逮下。瓊蕊並分嘗。

蛩

許集

暑退蟬將咽。秋來雁欲歸。羽從堦下振。聲出草中微。靜夜風傳漏。新涼月照幃。乘時觀物化。睿鑒炳先幾。

江上詩情為晚霞

黃叔琳

劉禹錫送新州李郎中赴任詩樓中飲興因明月江上詩情為晚霞

何處吟清曠。幽情寄水涯。半山啣落照。遠浦散流霞。五色明

於錦子重燦似花鬥才披夕秀得句敵朝華妙語推孫賦新
詩出謝家建標臨曲渚飛綺漾晴沙綵筆分輝染紅箋比樣
誇輕還澄水淡妍欲曳風斜豈羨蒸雲夢何殊倒日車一行
招旅雁數點見歸鴉遠待凌仙幔高疑引海槎殘暉迎白露
餘思入蒹葭

夕秀朝華

陸機文賦謝朝華於
已披啟夕秀於未振

孫賦

孫綽天台賦赤
城霞起而建標

謝家

謝眺晚登三山
遠望京邑詩餘

霞散成綺澄
江靜如練

蒸雲夢

孟浩然臨洞庭詩氣蒸雲夢
澤張泌詩千里晚霞雲夢北

倒日車

李群玉詩日銜
亦依全車沒

本朝五言近體辨香集卷十六



